

文苑英華

自四百六十五  
至四百七十三



策問 制詔

詔勅

批答

蕃書

鐵券文

庫	文	閣	內
四	三	七	漢
函	二	六	書
九	一	〇	類
架	冊	號	

庫	文	閣	內
三	三	七	漢
六	二	六	書
函	一	〇	類
一	冊	號	
架			

內閣文庫	
番號	漢 3726
冊數	100( 47 )
函號	361 53



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



文苑英華卷第四百六十五




詔勅七

戒勵官寮制

蘇頌

淺草文庫

門下法之所設本以懲非令之必行期於禁止致理為要  
 何莫由斯至如官典受贓國有常法承前雖有處分在外  
 多未遵奉且不戒視成爲暴不令而罰爲重豈含容之日  
詔令又將訓導之未明歟朕情存盡一過欲不貳恐愚人  
作自陷罪莫識隄防姦吏徇私自嬰微纏未言於此明發興懷  
 今日已前既往不咎今日詔令作已後有犯必繩朕不食  
 言爾無荒怠所以勤勤懇懇預戒百官詔令作者蓋以罰  
 止罰可不慎哉告示遐邇令知朕意先者施行天九月七日



每日聽政勉勵百寮勅

前人

勅三春布和萬物資始而去冬無雪以迄于今將何以敬授人時欽若天道豈政有所缺將教有不明致茲亢旱深用祗惕堯舜以百姓為心禹湯以萬方罪已朕雖薄德匪敢違寧自今以後每日聽政思弘道理俾康庶績至於日旰忘食未明求衣惟懷求圖朕之志也凡百在位可不勉

開元四年正月七日

命新除牧守面辭

前人

勅自古帝王莫能獨理爰樹侯伯所以分政則今刺史之詔令無謂矣蓋欲亭之毒之納於富壽不夭不札以致和

平朕受天啓命作人父母殷鑒遠圖罔知攸濟頃者都督刺史惟良是求而寂寥厥聲孰副虛想豈六條察舉未詢事以考言將三載黜陟不貴實而求當遂令進之則易吏煩於送迎退之則難人務於苟且豈所謂安孤老長子孫之意邪漢宣由是興言劉廣為之長歎誠有旨也今事謀伊始邦政惟新俾庶績思改前弊自今已後都督刺史每欲赴任皆引面辭朕當親與疇咨用觀方略到任之後宜待四考滿隨事褒貶與之改轉諸州上佐五品已上應改轉限亦宜准此夫類其才則適用久其事則有恒致用執恒未聞不致於理也詔令咨爾在位可弗勉哉先年天二

十四日

誠百寮與供奉人交通制

勅朕聞事君者必在至公行已者貴於獨立如聞供奉近侍之輩比日因循一作皆廣有招携未能周慎爰與朝列頗相闖茸苟非親表不合數至門庭多行請托便涉趨附眷言此弊須革前非宜體朕懷深自戒勵自今已後百官輒不得與入內供奉人往還

誠勵御史制

內制

勅御史之職邦憲是司先正其身始可行事當須舉直錯枉不避親讎糾慝繩違務存公正如聞愆過陰自鼓動不即彈射自樹私恩詔令作恩私曾無忌憚仍有請托將何以寄之鷹隼用屏豺狼如此當官深負所委自今以後不得更然

誠勵兵吏部侍郎及南曹郎官制

孫逖

勅銓綜之司名器所屬苟虧審慎必有害濫及今按諸其數頗多馬有害群罪雖在於胥吏龜之毀牘過亦由於主守其御史中丞楊慎矜所奏前後知銓侍郎及南曹郎官等忝効職司不能舉察合按嚴謹用肅慢官猶以久踐朝班夙昭人譽過其能改必在增脩特宜寬宥俾自懲警

誠勵吏部兵部禮部掌選知舉官等勅 前人

勅官邪則敗國賞僭則利淫自昔至言政之明誠朕祗膺大寶豈忘兢業臨馭已來且踰二紀期大道之成化冀天下之為公凡百卿士豈不協力而選舉之司委任尤重若名器失序則勸沮何施近者流外銓器頗多逾濫有塵清

議實紊尋章胥吏之徒雖則微賤仕進之路終為厥初必  
澄源流無雜涇渭不慎於細其傷則多小既不可不懲大  
亦不可不誠其吏部兵部禮部掌選知舉等官各宜飭勵  
當盡至公必須杜邪枉之門絕請托之路何止一變仍圖  
未清且銓綜九流必仗賢俊取諸賞鑒立斷可知何至淹  
時至稽團奏開闢之後餘甲未終既滯官曹長茲罪過舊  
選未畢新格復修此乃因循實為煩弊自今以後吏部選  
入三月三十日已前團奏事畢兵部二月內畢其流外銓  
及武舉專委郎官恐不詳悉其為取捨適表公惡每至留  
放之時皆就尚書侍郎對定既已上下檢察庶在得人而覆  
車尚在殷鑒非遠法不可廢官一識朕懷

誠勵兵吏部兩司勅

前人

勅設官分職將以奉法禁非實是在上下叶心中外一德共  
熙庶績用絕姦源如聞自司頗皆寬縱遂令胥吏得以挾  
私近者兵部令吏因令推鞠或在選曹增減之狀雖小人  
之過則惟其常永言在官亦必約疎略朕今申之寬宥許以  
自新庶觀將來冀能効節至<sub>如</sub>兵吏兩司是掌衡鏡  
進趨者非一揆姦巧者亦百端推而言之或所未免無謂  
幽昧朕皆察焉各宜盡心靖恭爾位

誠勵風俗

誠勵風俗勅四首

制集

勅建立州縣列監官司所以導俗宣風懲姦息暴頃以承

平既久中外晏安人懷弛慢之心官無警覺之意遂使綏  
宋二州屢奏亂常之黨荆并兩府頗言構逆之徒發露雖  
復數州包藏猶慮未絕此等杖釁尋自伏誅旬日之間驚  
害良善誠按察寬縱禁止不明或使無辜陷於非命與言  
及此深用惻隱詔令作  
隱惻自今以後在州縣官寮各宜用心  
檢校或惰於農業專事末遊或妄說杖訛潛懷聚結或棄  
其井邑逋竄外州或自銜醫工詔令  
作占誘惑愚昧諸如此色  
觸類旁求咸須防糾勿許藏匿又屬當首夏務在田蠶雖  
則各解趨時亦資官府敦勸若能肅清所部人無犯法田  
疇穰闢家有餘糧所由官人宜加考第功狀尤異者別加  
外擢若為政苛濫戶口流移盜發罕能自擒逆謀為外覓

所告輕者年終貶考甚者非時解替御史及臺郎出使察  
加訪察各以狀聞宜宣示諸州各令所在知悉文明元年  
四月十三日

二

門下朕克續丕業誕膺景命憲章昔典欽若前王克已勵  
精緬思至道宵衣旰食勤脩庶政夙夜寅畏匪違底寧在  
涉泉冰罔知攸濟頃屬殷憂啓運多難興邦禮義戴復品  
物咸乂思欲致萬姓於仁壽歸六合於昇平永言政途庶  
幾沿革猶恐學校多闕賢俊罕登牧宰不存政理農桑未  
加勸導樽俎之儀不習冠婚之禮莫脩朕所以當宁興歎  
載懷兢惕者矣庠序者風化之本人倫之先仰州縣勸導  
知禮節每年貢明經進士不須限數貴在得人先賢廟及

州縣學即令脩理春秋釋菜使敦講誦之風天下有奇才  
異行沈伏不能自達及官人百姓有能極言時政得失者  
並令本州責狀封進鄉飲禮廢爲日已久尊德尚齒弘益  
極深宜令諸州每年遵行鄉飲之禮令有勸慕王公卿士  
務存訓獎子弟成立則有冠婚婚禮糟粕或存冠禮又爲  
廢闕自今以後並行冠義責以成人之道便知負荷之難  
食爲人天農爲政本綏撫萌庶勸課農桑牧宰之政莫過  
乎此刺史縣令有課最尤異委廉察使名聞當別加甄擢  
縣令字人之本明經爲政之先不稍優異無以勸獎縣令  
考滿考詞使狀有清字無負犯明經及第常選每至選時  
量加優當若屬停選並聽赴集真如設教理歸清淨黃卷  
垂範道在希微僧尼道士女官之流並令修習真寂嚴持  
戒行不得假託功德擾亂閭閻令州縣嚴加檢察私度之  
色即宜禁斷諸州縣官有不因選序別犯贓賄非時除受  
官等皆依倚形勢恣行侵剝如有此色仰州長官錄事叅  
軍速勘責奏聞訖宜停務待進止仍委吏部兵部速勘責  
處分諸州百姓多有逃亡良由州縣長官撫字失所或住  
居側近虛作破除或逃在他州橫徵隣保逃人田宅因被  
賤賣宜令州縣招携復業其逃人田宅不得輒容賣買其  
地任依鄉源詔今作原例租納州縣倉不得令租地人代出租  
課寺觀廣占田地及水碾禮侵損百姓宜令本州長官檢  
括依今式以外及官人百姓將莊田宅舍布施者在京並

令司農卿即收外州給貧下課戶凡此數事成宜區分繫  
乎風俗義存獎勸刺史縣令等各申明舊章勉思撫輯  
凋弊之務歸淳厚之源訓導黎蒸宣我朝化書不云乎德  
惟善政政在養人布告天下咸知朕意

唐隆元年七月十九日

通鑒唐隆元年七月庚戌朔二十日己巳改元景  
雲詔令只作十九日是矣英華於十九日之上添

二字恐非

三

黃門朕聞天為大者莫先於育物物最靈者莫甚於愛人  
故樹之后王以康兆庶朕緬鑒前烈深惟遠圖懼德之不  
脩化之未偃寅畏夙夜如臨泉壑然則疇咨命於四岳

陟存乎三載既以百姓為心明非一人獨理今之牧守古  
稱侯伯賢者任之則循良之迹著不賢者任之則愁苦之  
聲作每冀精於所擇委之詔令往豈時或頽靡苟且尚  
多而吏之殊尤寂寥不嗣靜言政要朕用撫然問歲水旱  
周於郡國倉廩不蓄閭閻荐飢加以出攝頗多冗官增弊  
至於處置皆憑刺舉當於京官內簡宏才通識堪致理興  
化者量授都督刺史等又在外藩頗有昇進狀者量授京  
官使出入常均永為恒式課最超等必議昇遷循默守常  
必裁貶黜昭昭賞罰不可不慎屬冬朝禮成春事方起朝  
集使等俾還所蒞欽若朕言官寮間或幹濟清苦或貪濫  
侵漁灼然稱職及不稱職並委都督刺史審察奏聞罔或



阿容自貽悔咎諸道雖遣使存問尚切憂勞牧宰等深體  
 朕懷各宜隱恤交至乏絕者速量事優當公私債負停徵  
 至秋州縣差科務減常日昔國僑相鄭以至和平曹叅相  
 齊貴於清靜清靜則不擾不擾則和平和平則不爭不爭  
 則知耻愛費而與休息除煩而從簡易自當農者歸隴畝  
 蠶者勤紡績既富而教乃克有成導德齊禮不遠斯復庶  
 幾在位弘朕此心凡厥遐邇各令委悉主者施行開元二  
 年正月

四

勅國家祖武宗文重熙累洽克清寰極大庇生人玄德獨  
 化與乾元而資始至道無名合詔令帝先而首出自削平  
 馬上地摠以與兒子女王帛別行集作優賞信是策可  
 熟思之與兒親情故言及此耳今有少信物至宜領取春  
 初尚寒兒及平章事首領百姓已下並平安好遣書指不  
 多及

二

勅兒可汗比來和市常有限約承前馬數不過數千去歲  
 以兒初立欲相優賞特勅欲谷前至納馬倍多故摠與留  
 著已給物市買中間蘇農賀勒兼領堅昆馬來朕以一年  
 母市舊無此法歌解骨支去日丁寧示意又移建集作達  
 于後到亦以理報知不遣重來須存信約遂乃不依處分  
 驅馬直來無禮無信是何道理朕緣兒義重深為含容論

其無知豈能不恠計兒忠孝必無非理未委此等何故也  
集傳 然念其遠來磧路艱苦勒令却退去似不親集作親

而令覲都賜蘇農賀勒下及堅昆使下摠二萬匹絹任其市

易想兒知之其馬今並勒令却去至彼之日以理告示也

夏未甚熱兒及平章事部落百姓並平安好遣書指不多

及

三

勅兒突厥可汗道路既遠使命復稀近日已來音信斷絕

朕每多懸念想所知之與兒情義既深庶事無間父子之

國直往直來何異一家真無外集作別也蘇農賀勒處刺達

干等去歲將馬其數倍多又有諸蕃馬來亦是兒所發遣

之未篤也且一夫三女不耕不織則天下有受其飢寒者

令四方晏如而百姓不足豈不以尚於珠玉珍於錦繡墾

田疇而奪其務出布帛而害其功歟其珠玉錦繡等自今

以後切令禁斷如更循舊弊並歸罪長官仍令御史金吾

嚴加捉搦州牧縣宰勸督農桑待至秋收課其貯積使人

知禮節俗登仁壽有司仍為條例稱朕意焉開元二年七月三日

斷珠玉等制

詔令作焚珠玉錦繡勅

內制

勅朕聞時首饑不可食寒不可衣故漢文云彫文刻鏤

傷農事錦繡纂組善女功農事傷則饑之本女功害則寒

之源又齊有言曰夫人一日不再食則饑終歲不制衣

則寒饑寒力體齊不能保其子君焉得以有其人哉朕

以恥身許丁公公上為營不日肝忘食未明求衣思使返朴還淳案而若虞未實饑饉相仍水旱或愆糟

糠不厭靜思啟故者之外致有漿酒藿肉玉食錦衣互相夸尚浸成風俗夫令之所施惟行不惟及人之所化令

作化從行詔令不從言是以古先哲王以身率下如風之靡何俗不易此事近有處分當以施行朕若躬服珠玉自

玩錦繡而欲公卿節儉黎庶敦朴是使揚湯止沸涉海無濡不可得也是知文質之風自上而始朕欲捐金抵玉正

本澄源所有服御金銀器物今付所詔令司作有鑄為錠仍別置掌以供軍國珠玉之貨無益於時並即焚於殿前用

絕浮競至誠所感期於動天况於凡百有違朕命其宮掖之內后妃以下皆服澣濯之衣未除珠翠之飾當使金土

同價風俗大行日用不知克臻至道布告遐邇知朕意焉開元二年七月

禁斷女樂勅

蘇頌

勅朕聞樂者起於心心者動於物物不正則不可為樂樂不和則不能理人况天生黎蒸區別男女外則導之以禮

中則由之以樂苟或不戒孰云致理自有隋顛靡庶政彫弊詔令徵聲徧於鄭衛作缺衻色矜於燕趙廣場角抵長袖從

風聚而觀之浸以為俗此所以戎王奪志夫子遂行也朕方大變澆訛用清滄案茲女樂事切驕淫傷風害政莫

斯為甚既違令式尤宜禁斷自今以後不得更然仍令御

更金吾嚴加捉搦如有犯者先罪長官務令杜絕以稱朕  
意開元二年八月七日

禁斷大酺廣費勅

前人

勅禮存寧儉書戒無益約費蓄財為國之本至如賜酺合  
宴正欲與人同歡廣為聚歛固非取樂之意况目徇於奢  
是不誠也心勞於偽是不經也殷鑒于此良增詔令憮然  
自今以詔令後兩京及天下大酺詔令所作山車旱船  
結綵樓閣寶車等無用之物並宜禁斷先天二年八月二十五日

禁斷妖訛等勅

前人

勅釋氏汲引本歸正法仁王護持先去邪道失其宗旨乃  
般若之罪人成其詭恠豈涅槃之信士不存懲革遂  
梁春彼愚蒙相陷坑窞彼有白衣長髮假託彌勒下生因  
為妖訛廣集徒侶稱解禪觀妄說災祥或別作小經詐云  
佛說或輒畜弟子號為和尚多不婚娶眩惑閭閻觸類寔  
繁蠹政為甚刺史縣令職在親人拙於撫馭是生姦宄自  
今以後宜嚴加捉搦仍令按察使採訪如州縣不能覺察  
所由長官並量狀貶降開元三年十一月十七日

禁斷臘月乞寒勅

前人

勅臘月乞寒外舊俗漸漬成俗因循已久至使乘肥衣  
輕競矜胡服胡服站華風朕思革頽弊返於淳朴  
書不云乎不作無益之功益功乃成不貴異物賤用物人  
乃足况妨於政非禮經習而行之將何以訓

自今以

詔令

後

開元三年十一月七日

勅作禁

天文圖識制

詔令

常衣

勅天文著象職在於疇人識緯不經蓋添於疑衆蓋有國

之禁非私家所藏雖裨竈明徵十廷尚推之人事王彤必

驗景略猶寘於刑典况動涉詔令訛謬率皆詔令矯誣者

乎故聖人以經籍之義資理化之本及言曲學實紊大猷

去左道之亂政俾彛倫而攸叙自四方多故一紀于茲或

有妄庸輒陳休咎假造符命私習星曆共肆窮鄉之辯相

傳委巷之談飾詐詔令多端順非而澤熒惑州縣誑誤閭

閭懷挾邪妄詔令莫逾於此其玄象器物詔令天文

圖書識書七曜曆太一詔令番公式等準法官人百姓等私家

並不合輒有自今以詔令後宜令天下諸州府切加唐書

禁斷各委本道觀察節度等使與刺史縣令嚴加捉搦仍

令分明榜示鄉村要路并勒隣伍遞相爲保如先有藏畜

者限勅到十日內齎送官司委本州刺史等對衆焚毀如

限外隱藏有人糾告者其藏隱人先决杖一百仍禁身聞

奏其糾告人先有官及無官者每告得一人超資擢正員

官其不願任官者給賞錢伍百貫文仍取當處官錢三日

內分付訖具狀聞奏告得兩人已上累酬官賞其州府長

吏縣令本判官等不得捉搦委本道使具名彈奏當重科

貶兩京委御史臺切加訪察聞奏準前處分咨爾方面勲

臣洎十連庶尹罔不誠亮王室簡于朕心無近檢詔令作

人慎乃有位端本靜末其誠之哉

大曆二年正月癸酉

文苑英華卷第四百六十六

批答一

答上尊號

答百寮上尊號第四表

內制

省表具知前上三章皆有報旨推本帝王之道研究天人之際可謂盡矣能無亮一作諒哉朕辭愈堅來奏愈懇考著

龜之意酌卿士之心義貴從人事難徇志然體未濟之象

敬慎居方一作警復大畜之文模法徃行虞舜勤人以恭

尼文王事帝而小心自勵則鑒乎殷湯盤銘持盈則戒乎

周朝歌器選味邠馬使無媿於前脩一作賢菲食罷臺冀有

示於來代率是道也庶無悔乎劬狗一作遂群心抵循祖訓

敬乞誠請愧惕良深

寶曆元年四月三日

一作皆唐大詔令

答元和南省請上徽

一作尊

號表

常袞

省表具知朕續嗣鴻業託于王公之上常恐陟道猶淺燭

理未明夙夜祗畏罔或一作敢寧逸至於法天象以垂制順

人心而平亂立刑辟而不峻興禮樂一作教而不倦簡出堯

浮延納忠直思濟于道保合大和今寰海削平載橐弓矢

皆賴於輔弼之誠臣一作盡規於左右將帥之畧宣力於邦

家循省表章請崇徽號武功文德揚美於予用愧于懷何

以及此尚以昆夷未叙邊鄙猶虞不果一作敢允從宜斷來

表元和十四年

一作皆唐大詔令

答請上尊號第二表

前人

省表具知昔我祖宗每崇徽號皆以道侔天地澤被生靈

故請之不疑而受之不愧是謂典禮鴻光赫然朕以寡昧

祗承寶位寅恭詔令惕勵不敢荒寧常懼理化未敷非

以自尊為善詔令若蕩清寇孽脩舉政刑此乃中外英賢

叶心所致况復前疏亦已言之卿等善則稱君過陳功德

表章三至益愧于懷豈大體之必然何懇言之不已沉吟

終日未果允從

永貞元年答宰臣請上尊號表

編制

省表具知伏以高祖太宗接千載之統垂無疆之休太土

皇承九聖之烈傳莫大之聲編制續業允武允文弘帝堯

之欽明宗文元之清靜付朕天下頤神保和至道光於唐

虞至仁合於天地卿等虔述休德祇獻鴻名循省再拜三允  
符朕志詔今朕獲守寶位丕承睿訓雖嚴恭寅畏不敢怠  
違而澤未洽於群生理未臻於皇極遽言徽號何以當之  
雖嘉乃誠難遂來請其上獻太上皇尊號宜依所奏凡百  
御上當體至懷

元和二年答宰臣請上尊號第三表 前人

省表具知朕獲承丕緒以撫萬邦照臨無日月之明膏潤  
無江海之浸常恐吉蠲雖備未享於天心教導雖勤未諧  
於人欲諒慙非德敢議鴻名而鼎臣宗公群后庶尹上引  
祖宗之不矩下述黎獻之深誠誠予以處恭而思勞告予  
以受名而務實陳以懇迫至于再三先典不可以固違情  
情不可以屢阻與其年讓而繁飾不若納規而徇公遂抑

至懷勉從來請顧惟不稱兢惕殊深十二月二日

元和十四年答宰臣請上尊號第四表 編制

省表具知建崇名加大號必自盛德而因全功苟非其時  
難以擬議朕紹十皇一作之統緒尊百代之憲章冕而事  
天憂慄一作不暇乃者忠臣敦化良將策勳有寇難而必  
殄必平用兵戈而不蝗不早此乃多士叶力成茲小康豈  
予一人獨運而致卿等四陳章疏每瀝肺肝同一作士庶  
之誠心徵朝廷之故實願飾虛美皆爲過談論而復來勢  
不可止雖重煩典禮殊不自安而深念奏陳亦當從欲一作

勉依所請良用愧懷六月七日

一作皆唐大詔令



大中元年答宰臣請上

詔令作百

尊號第三表

省表具知朕獲承丕業

詔令作百

有萬方憂物之心常懷惕

厲荷天之力漸至底寧此皆中外元僚文武庶政咸有一

德以匡冲人而卿等猥以鴻名加于菲薄拜章瀝懇至于

再三伏念自列聖以來何嘗無今日之請然卒不能讓者

上慰宗廟之靈下迫群臣之願粵予小子豈敢久勞卿士

大夫之心哉敬允乃誠良深自媿所乞宜依

十月

長慶元年批宰臣請上尊號第二表

元稹

省表具知朕聞天職生植聖職教化天職舉則四時行聖

職修則萬方理然而天不以行四時而為德故蕩蕩無名

聖不以理萬方而為功故謙謙不宰顧朕小子獲承丕圖

上賴祖宗之靈下託股肱之刀先定鎮奠次來幽燕皆

日月之所照臨車書之所轍跡失之則有以自愧得之則

何足自多况今四海雖清物力方困六戎雖伏邊備尚勞

百吏雖存官業

詔令作守

多曠萬目雖設紀律未張有此四者

不敢違寧思與卿等夙夜伴又卿宜為我提振大法修明

政經

集作

窳戎夷阜康黎庶四者既理名焉用之朕方

以臯夔之務委卿卿宜以堯舜之事教我

詔令作朕

驟加徽號

深耻近名循省表章難遂

集作

來請

四月

批第三表

前人

省表具知昔齊桓議封禪管仲

詔令作

驟諫其未宜晉武

平江東何曾深惟於

詔令作

遠馭彼二臣者居安思危之志

明而有隱無犯之誠切也况朕寡德謬膺集作應昌期賴先

帝削平之威蒙列聖浸漬之澤聿來燕冀詔令靖華夷

既無德而有成實以祥而為懼卿等所宜朝夕納誨警予

荒寧雖休勿休日慎一日而乃過為溢美頰上鴻名諒多

丹集作志赤之誠殊非藥石之愛汝為予礪為朕揣摩集作

汝為予舟為朕康濟強我懿號不若使我為有道之君加

我虛尊不若居我於無過之地宜罷來請用副廼懷

批第四表

前人

省表具知朕以正月元日祗見于九廟對越于上玄千官

在前萬乘在詔令後觀聲明文物之盛望城社宮闕之尊

尚念高祖太宗艱難於經營德宗憲考殷勤集作於丕

定戎 德和寧實惟列聖之休安集作焉敢自大其意左右輔

弼度子師長猥以鴻名願加薄德三詔執事抑而不詔令

行物議逾詔令堅予衷未信四陳章表備引詔令古今且

曰告虔之時寧忘繼志問安之下胡不慰心事有切於顯

榮理難從於封執於戲允恭克讓既見奪於群情克已為

仁庶自勤於三省勉依來奏深用愧懷五月

答元義等請上尊號表

白居易

省表具知朕自君臨運逢休泰歲時豐稔兇醜殄夷此皆

宗社降靈忠實宣力顧惟寡德敢受鴻名卿等發于集作

懇誠上尊美號雖屬人望難貪天功宜悉所懷勿固為請

答黃裳請上尊號表

前人

省表具知朕以薄德嗣守丕圖不敢違集作荒寧以弘理道

幸屬歲時豐稔兇寇梟夷風雨不愆祀集作禮園丘以報集作

而本雷霆未震釁太社而服刑斯皆十聖降靈幽贊寡昧

百辟叶德馴致和平未惟鴻名實懼虛美卿上稽祖訓下

酌群陳獻表章請加徽號洎于公卿士庶集作王公卿士降及耆

艾緇黃咸一乃心各三其請朕嘗以宰元化者曲成於物

法天道者從欲於人雖恤隱泣辜未臻三五之化而樂推

析戴難違億兆之心德非稱焉讓不獲已勉從所請深媿

于懷

答李抃等謝許上尊號表

前人

省表具知朕自臨萬邦僅經三載位雖託於人上化未洽

於域中永念躬身敢當大號卿等義深宗室忠盡君親一

其精誠三有陳獻迫於人望厭于天心遂抑所懷勉從其

請固辭而事非獲已撫德而何以堪之再省謝章彌增惕

慮集作屬

答賀赦

答朱仕明賀冊尊號及恩赦表 前人

省表具知朕以寡德嗣承睿圖俯從衆情集作誠勉受鴻稱

慶之或豈在予一人推而廣之宜及爾百姓爰因受冊

之禮遂施作解之恩俾與群生同斯大慶卿盡忠訓旅推

美奉君省茲賀陳深見誠至

批宰相賀赦王承宗表

前人

省表具知先臣武俊功不可忘後嗣承宗過而能改朕所以捨其罪悔以勳親垂宥善集作過之恩尚宜及爾十代引泣辜之其誠合在予一人與其黷武而取威不若匿瑕而務德卿等重居台輔密贊謀猷發於忠集作衷誠有此稱賀省閱音表集作奏嘉歎久之

答賀德音

答王承宗謝洗雪及復官爵表 前人

省表具知帝者之道藹然無私唯推赤心以牧黔首故一夫不獲若納之於隍一物歸誠則容之如地况卿家懸懿賦能自先朝祖立茂功賞延後嗣因人誑誤不汝庇瑕覆非以恩出煦之寵澤撫舊對而察廉六郡進新律而統制三軍蕩穢加恩何以過此及觀集作來表乃見深誠言必由衷事皆知感承家襲慶誓繼力於前修補過酬恩願指期於後効未言爾志甚叶朕懷勉思始終用副眷矚所謝知

答李嗣賀處分王士則等德音表 前人

省表具知朕臨馭天下以懲勸為先有惡必誅無功不念顧承宗之罪誠合計除思武俊之勳宜令嗣襲况墳墓禁其剪伐將校許以歸降庶明用師蓋非獲已卿職修卿寺誠奉宗枝省茲賀章備見忠盡

答王錡賀賑卹江淮德音表 前人

省表具知水旱流行江淮艱食朕明申詔旨親遣使臣蠲  
其逋租賑以公廩爰興利物之利用表憂人之憂庶俾疲  
氓均沾惠澤卿克勤所集作乃職共理爲心省茲賀陳深見  
誠意

答宰相杜佑等賀德音表二首 前人

省表具知古先聖王旣託集作託予人上與百姓同其欲與天

下同其憂唯是推集作推是心可底于道朕臨御萬國迨茲五

年惕厲之懷雖勤於夙夜伏臘集作愆伏之候猶害於歲特思

革弊以救災在濟人而損口是用欽刑緩死責已恤貧罷

郡國之貢琛省宮廡之煖費延春令而布仁行惠先南風

而解愠阜財庶憑歡心以召和氣卿等或匪躬獻替或悉

和而諧啓沃之間已申霖雨之用燮理之際佇見陰陽之

和各宜勉之以輔予理所賀知

二

省表具知朕以春候發生歲功資始順陽和而布政賑貧

乏而勸農載念罷集作罷非人因除弊事隨其所利施以爲恩

富庶之端實漸於此卿等義敦宗戚誠揭君親省茲賀陳

用增嘉歎

答宗正卿李詞等賀德音表 前人

省表具知朕統承鴻緒子育蒼生累歲有秋今春不雨在

陰陽之數雖有盈虛爲父母之心敢忘惻隱俾除人弊以

盪歲災卿等任重宗卿恩連屬籍省茲陳賀深見忠誠

答將軍方元蕩等賀德音表 前人

省表具知朕以時暘斜候春澤愆期思備旱之方無如貶  
省務動天之德莫若精誠是以修己恤人去煩節用冀答  
天戒以致時和卿志竭邦家職修軍衛省茲章表深用嘉  
之所賀知

批宰臣賀下誅迴鶻德音表 封敖

省表具知迴鶻背棄恩親犯邊鄙梟音不息獸性難馴  
自號天驕常為國患比者雖聞困弱尚肆猖狂朕念以親  
姻隱忍而已良思忌器難決用師曾無悔禍之詞屢有干  
誅之狀戎臣奮志甲士齊心用奇而果建殊勳決勝而且  
無遺策今則公主歸止元兇遁逃罪惡既盈誅夷難遺爾  
頒制命以正典刑每思除害之言且以健兵為念豈非  
已有愧賀章

文苑英華卷第四百六十七 翰林制詔四十八

批答

答賀破賊

答宰臣賀破賊狀

張說

省表具知蠢茲戎狄侵軼邊鄙不交鋒刃自取敗亡既邊將之功亦天道所棄心之有慰與卿同之

答薛平

集作非

賀生擒李鐠表

白居易

省表具知朕自嗣耿光每多惕慮念必先於除害志無忘於安人李鐠大負國恩自貽天討集作罰師徒未勤集作動於疆場父子俱肆於市朝信上天之禍淫與率土而同慶省親來表深鑒乃誠所賀知

批 日寮賀王宰破陽城縣賊表 封赦

省表具知討彼狡童萃乎茂疑作卒星霜既換牛馬未遑

每軫勞<sup>也</sup>渴聞捷報今者王宰麾下大破賊徒廣治岩既

已平除陽城縣復見誅滅自茲乘勝足以震威蕩定有期

凱旋可徒疑作外禦多忠臣之力內謀有賢相之籌豈無

成功亦復何慮所賀知

批宰臣賀石雄破賊陣表 前人

省表具知有名之伐義勇爭登干紀之克幽明共戮逆順

之理何嘗不然况內有賢相之謀外多良將之力舉則必

勝動皆成功吉語屢聞 來獻相繼於道涂

斬級申威每盈於原野畜產兵仗所獲蓋多武力軍聲殊

為善陣想其危亟坐見清平卿義極謨猷道光翼<sup>也</sup>

之賀懷愧良多所賀知

批宰臣賀正月一日河中陳許行營破迴鶻表

前人

省表具知迴鶻恃眾忘恩棄盟犯境朕以勲親是念討伐

未行而乃尚肆梟音敢回狼顧恣行驅劫涂疑見奔衝戰

士等蓄銳多時奪身自効猶聞之獸何足以枝梧成擒之

虜幸獲於逃遁蜂蠆自滅馬牛皆歸此實上帝威靈輔臣

謀畧豈予薄德所可致焉循省賀章良多媿慰所賀知

批宰臣賀太原破迴鶻奪得太和公主表 前人

省表具知朕聞匈奴為中國之患者久矣爰自漢魏迄于



周隋制控之謀罕見其術暨乎國朝以懷柔之道稍致和  
寧然猶邊兵遠屯費主下嫁國用且費人心未其昨者迴  
鶻以失國爲詞款塞相託朕懸知矯詐且末疑作示含容旋  
肆梟音屢聞狼顧虜騎唐突羽書飛馳方命戎臣各嚴師  
律可汗不知藏匿尚敢猖狂繇是我載張天威震魏虬之  
勇斲奮其威稜大莩之微豈煩於牙齒邊塵掃蕩公主歸  
還豈獨壯於茲辰實可超於遠古此皆上玄降佑九廟垂  
休台輔元臣咨謀允叶不然予之寡昧何以致焉順羨之  
詞省章多愧所賀知

答賀表

答張九齡賀西華延期表

魏知古附見張九齡集

省表具知朕初聞三輔之間今歲善熟朕緣陵寢誠欲西

幸集作行然積累虛集作虛累年乍得小稔即又聚食心所集作慮

重難儻夏麥不登未免匱乏百姓不足君集作朕孰與安所

以再三痛懷欲去不忍至於宮苑所樂氣候非且苟得人

安終不以此爲念卿可宣前旨更俟後期所請徧示朝列

及宣付史官亦豈集作屬煩也任卿等自商量

太宗答顏真卿賀肅宗即位表附見顏真卿集

省表具知兇逆亂常侵侮中夏曩者潼關失守京國不寧

朕因涉岐梁至于巴蜀遂命皇帝肇登寶曆爰靜祆氛今

官軍益振回紇效款即議集作擬南行共爲剪滅卿忠惟奉

國孝則保家懷不二之心秉難奪之操皇帝累申寵命兼

以崇班宜有懋於深恩

集作

且用光於重寄

集作

答段祐等賀冊皇太子禮畢表 白居易

省表具知朕祗膺統序恭守典常爰推至公乃命長子使  
主國帑用貞邦家冊畢禮成良增感慶卿等各司軍衛同  
奉表章備見忠誠益深嘉歎所賀知

以下五篇並見集本

批李夷簡賀御撰君臣事迹屏風表 前人

省表具知朕思求理化親閱典墳至於去邪納諫之規勤  
政慎兵之誠取而作鑒畫以為屏與其散在圖書心存而  
景慕不若列之繪素目觀而躬行庶將為後事之師不獨  
觀古人之象卿詞彰順美義見忠規省覽計三深叶朕意  
所賀知

批百寮嚴綬等賀御撰屏風表 前人

省表具知朕烈祖太宗以古為鏡用輔明聖實致集作臻理  
平聖作孫謀母懼乎失墜取為殷鑒遂飾以丹青至若明  
君直臣前言往事森然在目如見其人論列是非旣庶幾  
為座隅之誠發揮獻納亦足以開臣下之心况卿等職在  
儀刑政當補察各勤所任共副茲懷所賀知

答文武百官嚴綬等賀御製新譯大乘本生心地

觀經序表 前人

省表具知朕勤求道本廣挹教源以真如不二之宗助清  
淨得一之化况斯經典時為大乘名理精微翻譯成就雖

契心則離於文字而得意亦假於筌蹄庶使發揮因為序  
述卿等精通外學懇竭忠誠引經贊揚奉表稱賀再三省  
覽嘉歎久之

答蕭俛孟簡等賀御製新譯大乘本生心觀地經

序狀

前人

省表具知大仙經典最上法乘來自西方闕于中禁將期  
利益必在闡揚遂命僧徒譯其句偈兼詔卿等潤以文言  
昨因披尋深得真諦悟本生不滅之義證心地無相之宗  
方勤護持聊著序引末言述作猶愧聖明卿等賀陳良深  
嘉尚

答謝表

批王播謝官表

元稹

省表具知朕聞有衆不言弱有地不言貧是以管夷吾用  
區區之齊而諸侯九合今朕四海之大億兆之衆獨不能  
擒庭湊克融而曰物力先困朕甚惑焉况高祖太宗之法  
令具存德宗憲宗集作之舊集作猶在制誥比下選狀  
集作日聞較量重輕勤恤人隱而室閭益耗縣官益貧職  
業壞墮程品差戾議論講貫殊無古風意朕聽之不聰而  
股肱耳目莫得宣其効也先皇帝以卿有廊廟之畫倚以  
爲相眇朕小子得而用之卿宜勉竭誠懷副茲屬望集作

答杜蒹謝授河南尹表

白居易

省表具知卿文通史道學達政源凡歷官常輒聞績効觀

能以授俾亞理於三川試可而遷宜專臨其一府盡委封  
畿之政仍兼運漕之權歲時之間佇有勞集作効勉勤集

恭爾職重副予懷所謝知以下四篇並見集本

答劉總謝檢校工部尚書范陽等兩道節度使表  
前人

省表具知卿幼承義訓長有令聞能遵忠孝之風不墜弓  
裘之業朕所以命加異等寵冠常倫特授雙旌超登八座  
豈唯延賞亦在任能將懋前脩勉申後効載省章疏深鑒  
誠懷所謝知  
前人

答裴均謝銀青光祿大夫兵部尚書表  
前人

省表具知卿自居鈞軸日獻謀猷載君常竭其股肱憂國  
每形於顏色及嬰疾病益不遑安未踰旬旬以至三讓  
謙秉易退之道堅懇陳難奪之詞遂抑朕心俯從卿請而  
七命印綬五兵尚書官秩甚崇事務稍簡就以優養冀乎  
和平載省表章深見誠意所謝知  
前人

答薛華謝授浙東觀察使表  
前人

省表具知卿久踐吏途累聞能政及居藩鎮尤見忠勤訓  
道而群黎向方廉察而列郡承式實嘉乃績每簡予心宜  
遷雄劇之藩以廣循良之化勉於為理副朕所懷所謝知

答李卿謝三品狀  
苑咸

省表具知以卿有渾厚之德貞固之行遠勵衣冠近光宗  
室况友于之美克贊昇平故改以章綬之名用表禮賢之

意也新謝知

批劉悟謝上表

元稹

省表具知朕聞上黨亦天下勁兵處昔者李抱真用之一  
舉破朱滔并舉蹇田悅訓養十萬威聲殷然人到于今號  
為良將夫以卿之勇義才畧猶將遠慕韓彭區區抱真夫  
豈難繼况以克融庭湊之狂脆小賊比朱滔田悅之結連  
大盜集作熾是猶以孩嬰而校賁育也蜂蟻相聚其能久  
乎卿宜密運謀猷明宣號令避狂擊惰取暴撫羸勿爭蛇  
豕之鋒直取鯨鯢之首再圖麟閣永煥縑緗無為他人所  
先當使功居第一策勲在近勿復為勞所謝知

答元膺

集作

授岳鄂等觀察使謝上表

白居易

省表具知夏口重鎮屬在時賢非明肅不能理其軍非簡  
儉不能阜其俗以卿有仁厚之質誓直之風累踐班行皆  
著名節遂輟中憲徃臨外藩知己下車當集作慰人望佇  
茲報政用副朕懷所謝知

答李鄴授淮南節度使謝上表

前人

省表具知卿抱兼人之才秉徇公之節每登要職輒集作  
著能名若又發硯投而不滯如玉在佩動必有聲朕以距  
淮而南人物繁會非廉明何以貞師察俗非簡惠何以通  
商緩農前勞既彰後効何遠載省來表知己下車勉副虛  
懷佇觀新政所謝知

答元素謝上表

前人

省表具知卿用兼文武識合變通輟綱領於中朝授麾幢  
於重鎮集作外門吏能足以惠物將畧足以董戎人望所歸予

心是賴知卿已到本鎮當慰疲人深籍撫綏之方以安凋  
瘵集作弊之俗日期報政歲望成功勉勤所圖用副朕意

答杜兼謝上河南少尹知府事表 前人

省表具知三川一作帥非封畿實重其任貳職綱紀亦難其人

卿素懷器能累著聲績亞理以明慎選專領以展長才知  
已下車當親綏撫佇聞報政用副憂勤所謝知

批敬昕謝上表 封敖

省表具知卿蹈履中和修索大雅推經筭而微言如貫聽

文韻而清音不窮亟稱才能歷踐華顯洎尹正洛內臨戎  
孟津治不避諱恐作理行推高號令有律遽遷白馬重擁青幢接

畛素洽於訶謔先聲載揚於道路既聞至止當慰予懷所  
謝知

批盧鈞謝上表 前人

省表具知負才略者不辭於難事付重難者思得於才人

朕以上黨雄軍壺關重寄劉悟始以勲力授之旌旄而擁  
鄆州兇孽之餘汙潞府忠良之俗苛法脅眾偽言欺天洎

從諫襲有父兵坐邀朝命嘯聚姦惡稔成悖兇狡豎何知  
群逆相濟以卿端厚可以鎮俗誠明可以訓戎舉二鎮之

旌旗滌五州之汙染果有變節翻為吾人今元兇盡誅舊  
風可復已知到鎮用深慰懷善撫傷夷務矜凋瘵俟爾報

文苑英華卷第四百六十七  
政副予所知

批鄭涯謝上表

前人

省表具知卿道茂摛紳望高班列夷澹自處一作守端莊有  
嚴直如朱絃清比嘉玉內庭西掖留重價於雄文憲府南  
官藹餘芳於嘉話出入更踐便蕃寵榮所蒞有聲溢於聞  
聽是用授之鈇鉞鎮以荆蠻壓江漢之上游揔吳蜀之都  
會苟非良幹其誰付焉知已下車故多勞止勉弘政術必  
副憂勤所謝知

文苑英華卷第四百六十七

翰林詔制四十九

蕃書一

迴鵠書

與迴鵠可汗書

陸贄

皇帝兄敬問可汗弟兩國同

集作和

好積有歲年申之以婚

姻約之以兄弟誠信至重情義至深頃因

集作屬

賊臣背恩

構成嫌釁天不長惡尋已誅夷

集作尋正典刑

使我弟兄恩好如

舊周皓及蹋本啜黑達達等至得弟來書省覽久之良以

為慰弟天資雄傑智識通明

集作性稟聰明

親仁善隣敦信明義

罷戰爭之患弘禮讓之風保合太和用寧區宇

集作域

惟茲

盛美何以加焉朕之素懷與弟叶契為君之道本務愛人

同日月之昭臨體天地之覆育其集作於廣被彼此何殊

况累代以來繼敦姻戚與弟俱承先業所宜遵奉令圖集作

敵自茲以還集作情契彌固垂之百代永永無窮緬想至

誠當集作同此意所附謁本集作奏請降公主姻不失舊頗

叶通規待弟表到即依所請宣示百寮擇日發遣緣諸軍

兵馬收京破賊頗立功勳賞給數多府藏集作虛竭其馬

價物且付十二萬疋至來年三月更發遣一集作舡餘並續續

支付第宜悉也安西北庭使人集作入秦今並却歸本道

至彼宜差人送過令其速達第所寄馬並到深愧厚意

與回鶻可汗書

白居易

皇帝敬問回鶻可汗夏熱想比佳適可汗有雄武之姿英

果之略統制諸部君長一方纂承前修繼守舊好故得邑

落蕃盛士馬精強連挫西戎永藩中夏况嚮風之義每勤

於朝聘事大之敬常見於表章動皆由衷言必合禮朕所

以深嘉忠款遐想風規至於寢興不忘歎矚勉弘令德用

副誠懷達覽將軍等至省表其馬數共六千五百疋據所

到印納馬都三萬疋都計馬價絹五十萬疋緣近歲已來

或有水旱軍國之用不免闕供令今數內且方圓支二十

五萬疋分付達覽將軍便令歸國仍遣中使送至界首雖

都數未得盡足然來使且免稽留貴副所須當悉此意頃

者所約馬數蓋欲事可久長何者付絹少則彼意不充納

馬多則此力致困集作馬數漸廣則欠價漸多以斯商量



宜有定約彼此為便理甚昭然况與可汗禮在往來義存  
 終始親隣既通於累代恩好益厚於往時所以萬里推誠  
 期於一言見信遠思明智固體朕心其東都太原置寺已  
 令人勾當事緣功德理合精嚴又有彼國師僧不必更勞  
 人檢校其見撚拓勿施鄔集作達干等今並放歸所令帝  
 德將軍安慶雲供養師僧請住外宅又令骨都祿將軍充  
 檢校功德使其安悉立請隨觐次放歸本國者並依來奏  
 想宜知悉今賜少物具如別錄內外宰相及判官摩尼師  
 等並各有賜物至宜準數分付內外宰相官吏師僧等並  
 存問之遣書指不多及

賜回鶻可汗勅書

李德裕

勅我國家統臨萬寓列塞在陰山之南先可汗摠率本部  
 建牙於大漠之北各安土宇二百餘年此天所以限隔中  
 內集作外不可逾越近聞為紇吃斯所敗加以饑荒國邑為  
 墟屍僵道路今可汗稍收離散漸近邊城將務集作遠圖  
 先示集作文誥故茲命使宣聽朕言可汗累代已來亦集  
 推誠嚮國往者中原有難助剪群兇列聖念功每加優寵  
 寧國咸安二公主降嫁龍庭爰及先朝復以今公主繼好  
 又以上無絲纒歲遺縑繒恩禮轉深諸蕃榮羨久保誠信  
 兩絕猜嫌但以國家舊章蕃漢殊壤稍踰經制豈朕所安  
 去歲嗚集作斯特勤已至近界邊將憤激便請驅除朕  
 每念其無主可歸宜令安撫今可汗既立彼又降附便合

率領漸復舊疆漂寓寒垣殊非良計又得宰相頡干伽思  
等表借振武一城權與公主可汗集作可汗公主居住中國之制

與外蕃不同須守前代規模祖宗法度昔漢朝單于乖亂  
呼韓欵塞宣帝送單于出朔方鷄鹿漢匈奴傳作鷄鹿塞在朔方郡集作祿恐

非塞唯賑以米粟國初太宗皇帝令集作命李思摩建牙於  
漠南遺跡並存事皆可驗未有深入漠界借以一城與羌

集作退渾党項微小雜種同為百姓實亦屈可汗之尊貴亂  
中國之舊規若以未復本蕃或欲別遷善地求大國聲援

戢諸部交爭亦須率思歸之人且於漠南駐集作住三朕當  
許公主朝覲親問事宜儻須應接必無所悵冀令彼國從

此輯寧豈不謂去危就安轉禍為集作成福朕緣公主將可  
汗丹集作忠誠來告深感于秉制置之問須存遠大故遣右

金吾衛大將軍兼御史大夫王會副使宗正少卿兼御史  
中丞李師偃馳往喻懷爰定所居更守誓約神明是質豈

可食言可汗宜保一心自求多福  
賜大和公主書  
前人

勅姑遠嫁絕域二十餘年跋履險難集作難離此故土集作備羅  
也朕每念於此良用惘然恭惟太皇太后春秋已高慈愛

頗集作深厚比者望姑朝謂再叙悲歡倏已歲暮寂無音耗  
想姑見舊國之城色能不銷魂望漢將之旌旗集作麾必嘗

集作當流涕今朔方既至靈雪已零絕塞蕭條固難久處旃  
墻屬幕何以禦寒集作冬因集作醞祭且非適口朕俯臨萬寓

子育群生一物未安終食三歎况姑累年漂泊何日忘懷  
想姑高明必自懸鑒姑承宗廟之餘慶為王室之懿親先  
朝割愛降婚義寧家國請回鶻必能禦侮安靜塞垣使邊  
人子孫不見兵革昔射雕者不敢西向畏軒轅之臺今回  
鶻所為甚不循理蕃渾是朕之百姓牛羊亦國家集作所  
有昔集作因依漢地遂致蕃孽集作茲回鶻託以私讎恣為侵  
掠每馬首南向姑得不畏高祖太宗之威靈欲侵擾邊疆  
豈集作姑得不思太皇太后之慈愛為其國母足得指揮若回  
鶻不能稟命則是棄絕姻好今日之集作後不得以姑為  
詞若將恃我為親稟姑教令則須便自戢歛以繼舊歡想  
姑以朕此書諭彼將相令其知分不更集作不徇非塞外禮  
義且無絲續朕每御裘服則思彼未授衣豈可以回鶻請  
張遂忘親愛今寄冬衣若干事具如別錄

賜回鶻嗚唎集作及斯特勒等詔 前人

新回鶻嗚唎斯特勒那頡唎特勒曳于伽思於鮮亦阿思

於鮮亦何集作阿集作耽干集作思莫賀達干宰相伊難未集作朱

密伽諦略咄將軍三字集作摩咄將軍 諦略等天德軍遞多覽所奉

四字集表至再三省覽憂屬良深彼蕃自忠義毗伽可汗

已來代為親隣連降愛主恩禮特異古今莫及朕臨馭集

君萬國撫育殊方苟有未安則宜上來集作况特勒等乃

祖乃父歸誠累朝昨遣嗣澤王溶吊冊先可汗回如聞卿

國中喪亂諸部乖離救患恤隣敢集作忘今典方圖集作思

鎮撫已命使臣今又知堅昆等五族深入凌雪可汗被害

公主及新回鶻集作可汗播越他所未歸城邑特勒等力不能

制思存遠圖想率遁逃萬里歸命又知欲奉公主朝覲忠

謀不從已道沙集作大漠之南同欵五原之塞發此單使布

其赤心言念艱危惻然軫歎料卿等皆英酋貴族羈寓沙

場懷土之情如何可處且非欲討除外寇匡復本蕃抱此

至忠託于集作於大援但緣未知止集作指的難便聽從又慮

邊境守臣見卿忽至或懷疑阻不副朕心故遣鴻臚卿張

賈馳往安慰集作撫朕既契卿忠款報以信集作至誠雖隔塞

垣已如相見卿渾深明朕意盡吐所懷一一言於使臣令

其速且還奏佇聞誠願續有指揮心當副彼急難固不惜

於事力勉於謀度用保忠勲秋熟卿及部下諸官并右

左相阿彼元等部落黑車子達怛等平安好遣書指不多

及

突厥書

勅突厥苾伽可汗書

張九齡見集本

勅突厥苾伽可汗比數有信知彼平安良足慰也自為父

子情與年深中間往來親緣義合雖云異域何殊一家邊

境之人更無他慮甚善甚善此是見可汗能為承順副朕

之所親厚人間惡好無以過之長保此心終享福祿子孫

萬代豈獨在今比秋氣漸冷卿及平章事首領部落並平

安好遣書指不多及

勅突厥可汗書

前人

見集本

勅兕登里突厥可汗天不福善禍鍾波國茲伽可汗傾逝  
 聞以集作惻然有二十年間結為父子及此痛悼何異所  
 生又聞可汗繼立蕃落並得寧靜良深悲慰且知無他朕  
 與可汗先人情重骨肉亦既與朕為子可汗即合為孫以  
 孫比兕似踈少許今脩先父之業復繼往時之好此情更  
 重只可從親若以為孫漸成踈遠故欲可汗今者還且為  
 兕義結既深當熟思此意人情終始固亦可知葬事所須  
 並依來請即與弔祭使將往必令及期言念宿昔深懷感  
 愴春初猶冷可汗及平章事并首領部落並得如宜遣書  
 指不多及

勅突厥登利可汗書

前人

勅突厥登利可汗日月流邁將逼葬期想崩慕之心何可  
 堪處朕以父子之義情與年深及聞宅兆良以追悼前歌  
 利施頡斤至所請葬料事事不遺所以然者將答忠孝故  
 喪紀之數禮物有加道之所存地亦何遠今又遣從款金  
 吾大將軍佺持節弔祭兼營護葬事佺宗室之長信行所  
 推欲遠集無達其情必重其使以將厚意更敦前約且以  
 為保忠信者可以示子孫息兵革者可以訓疆場故遣建  
 碑立廟貽範紀功因命史官正辭朕亦親為篆寫以固終  
 始想體至懷春中尚寒可汗及平章事部落並平安好遣  
 書指不多及

勅突厥可汗書四首

前人

勅兒突厥可汗書與先可汗結為父子及兒紹續情義日深至於國計亦欲無別兒去年東討雖有先言然兩蕃既歸國家亦即不合侵伐朕既與兒無間終不以此為懷契丹及奚諸蕃窮者土地不足以放牧羊馬不足以貪求遠勞師徒兼冒鋒鏑勝不為武不勝亦危以此言之當務其大者突騎施本非貴種出自黑姓唯任姦數誑誘群胡十數年間又承國家庇蔭因其荒遠遂得苟存近日已來敢茲肯德又知兒意亦欲破之前與先可汗舉哀其使不肯就哭當時辭拒彼使具知兒若摠兵西行朕即出師相應安西瀚海近已加兵欲以滅之復何難也儻事捷之日羊區宇混一車書六合晏然百有餘載則我文武之業有大造於生靈朕嗣守丕運纂成鴻緒恐不敷弘前烈光闡睿圖夙夜祗畏若臨泉谷曷嘗不恭默思道寤寐勤政從人之欲每以百姓為心屈已之勞常矜一物失所且夫法久而弊法弊則通制國以立法為先教人以地著為事自屬清晏人多媮怠國章或弛眊偽寔繁今正朔所及封疆無外雖戶口且增而租賦不益莫不輕去鄉邑共為浮惰或豪人威其泉藪或姦吏為其詔令囊橐逋亡積歲流蠹日滋雖朕之薄德罪則在予亦官無其政吏不守法耳今欲去其末而歸其本閑其邪而正其德使法有所立人知嚮方是用恤孤窮逸逋貸式廣自新之路俾申莫厚之恩

禁制

禁斷錦繡珠玉制詔令

蘇頌

勅朕聞召公曰弗作無益害有益孔子曰奢則不遜儉則

固斯乃聖人詔令之至言矣叔代遷訛僻王驕縱惟崇詔令

作頌榮於王盃象筋不務於捐金抵璧好之者君也習之者

人也即用疋帛服長纓之類歟朕爰在幼冲每期質朴手

未嘗持珠玉目未嘗觀錦繡願言其志造次不忘自寅奉

體圖勉康政道常想漢文衣綈之德晉武焚裘之事竟未

能令行禁止敦本棄末朕甚懼之今王侯勳戚下泊厮養

所得者重於遠所求者貴於異至雕文刻鏤衣紈履絲習

俗相誇殊塗競爽有妨於政無補於時豈朕言之不明教

往者先可汗在日每年納馬不過三四千馬既無多物亦

易辨此度所納前後一萬四千緣兒初立可汗朕又結為

父子恩義相及不可却回所以摠留計物五千萬匹兼屬

國家大禮並放天下租庸用度無窮非獨和市緣此馬價

通容稍遲處刺達干未還不是故為留滯念昔此意當復

寬心今見續續市場不久望了即當發遣回日非餘在此

還如當家去住亦何異也此後一作將馬來納必不可多

還如先可汗時約有定準來交易發遣易為事須久長不

是限隔今故令內侍趙惠琮往并有少信物別具委曲至

宜領取秋氣漸冷兒及平章事首領百姓並平安好遣書

指多不及

勅突厥兒可汗內侍趙惠琮從彼還一一口具深慰遠懷  
 兒表中猶言前年退馬多兼云蘇農賀勒處羅達干三年  
 在此與兒更無間外庶事一家所以趙專琮去持皆以實  
 報今者來表尚未體悉且去年所將馬來前後數倍常歲  
 至於好惡未必皆以兒知其中老弱病患及驅格全小不  
 堪駕馭如何摠留所以略簡多少仍是十退一二是在兒  
 處大為存情何故來章尚嫌多退必若求集作售惡馬亦  
 恐諸蕃笑人兒既君長北蕃復與朕為父子須存分義使  
 遠近知之勿信下人專由利動蘇農賀處羅達干等續續  
 市買甚有次第雖校遲少許物並好於往時不久當畏亦  
 勿怵也所欲遣使來者既為父子之國來往乃是尋常須  
 知平安復申朝覲佇聞來使用慰朕心冬中極寒兒及平  
 章事首領百姓並平安好所有委曲皆使至口且遣書指  
 不多及

党項書

賜党項勅書

勅自爾祖歸款國家依附邊塞為我赤子編於黔黎牛馬  
 蕃寧集作種落殷盛不侵不叛効信効誠集作頗比聞邊  
 將不守朝章失於綏緝因緣微歛害及無事念爾遠人莫  
 知控告特命朕之愛子實惣元戎所冀群師聽命而不敢  
 自專諸部懷寃而有所投訴奉我憲令以保和寧如聞莫



顧恩私遂懷憑恃攘奪不避於官物驅掠罔憚於平人擅  
舉集作甲兵恣行攻劫豈有朝廷內地輒此鳴張道路阻  
艱商旅殆絕朕使欲詔命諸鎮悉力勦除深意玉石難分  
善惡同斃今再為條制各使得宜却令節將集作指揮許  
其處斷如事有寬濫政乖公平並遣巡院奏聞朝廷必與  
集作為申理如或不知恩貸猶敢猖狂國有興章必難容捨  
故茲宣示當體朕懷

文苑英華卷第四百六十八

又苑英華卷第四百六十九

翰林制詔五十

蕃書二

吐蕃書

勅吐蕃贊普書七首

張九齡

皇帝問贊普緣國家先代公主既是舅甥以今日公主即  
為子婿如此重姻何待結約遇事足以相信隨情足以相  
親不知彼心復同以否近得四鎮節度使表云彼使人與  
突騎施交通但蘇祿小蕃負恩運命贊普既是親好即合  
同嫉頑兇回為却與惡人密相往來又將器物交通賂遺  
邊鎮守提防遇是常彼使潛行一皆警集作驚覺夜中格拒  
人或死傷比及審知亦不摠損所送金銀諸物及偷盜人

等並分付悉諾勅藏却將還彼既於贊普親厚豈復以此猜疑自欲坦懷畧無所怵縱通異域何慮異一作心又西南諸蠻元是異類或叛或附恍惚無怕往年被畧彼蕃率種歸我緣李知古處置天所又即讎然改圖彼此之間有何定分而彼有來者乃云此先舉兵以蠻為詞未知孰是今既無外當以此思之緣彼州鐵柱前書具報一言不信朕豈厚誣更以相仍便非義也鐵柱書唐九徵所作百姓咸知何不審之徒勞往復至於邊將在遠下人邀切變好為惡誠亦有此非獨相規亦當自誠如此覺察更有何憂萬事之間一無限隔所以細故無不盡言想所知之體至懷也晚春暄極集作極贊普及平章事首領并百姓以下並平安好今有少信物別只委曲遣書指下多及

二

皇帝問吐蕃贊普近竇元禮往事具前書贊普後來亦知彼意朕推心天下皆合大和况於彼蕃復是親婭仍加結約盟誓再三以至道言之此亦仁義不薄也而贊普且猶未信是復何心君長大蕃固不容易所云去年七月雋州將兵抄掠兼有該誘雋州之外尚隔諸蠻既背吐蕃自行寇抄掠而乃推托於我何為遙信虛詞且西南群蠻別是一物既不定於我亦不專於吐蕃去即不追來亦不拒乃是兩界所有只合任其所歸自十數集作數十年來或叛或附皆所親見豈假縷言往者此蠻肯恩侵我邊鄙昆明即雋

州之故縣鹽井乃昆明之本城今復舊疆何廢修築而云  
除却是何道理自邊境備守彼此常事今既和好何有嫌  
疑至如西自葱嶺已來緣邊諸處或地勢是要或水土是  
好彼有城鎮亦皆內侵朕豈不鮮廣求更以自益緣已和  
好不可細論且八疊山築城置鎮皆如漢界何曾以此爲  
言而彼即生詞未知何意邊城委任當擇忠良無信小人  
令得間構也夏中已熱贊普及平章事部落百姓等並平  
安好遺書指不多及

三

皇帝問贊普自與彼蕃連姻亦已數代又與贊普給約于  
今五年人使往來集作未嘗有間朕與集作兩國通好百

妣獲安子孫以

集作

來坐受其福疆場之事行

集作

且無

憂此雖境上有兵固是存而不用况

集作

彼邊事與此何

殊近得來章又論蠻中地界所有本末前書具言贊普不  
體朕懷乃更傍引遠事若論蠻不屬漢豈復定屬吐蕃邪

彼不得所即叛來此不得所即背去如此常事何乃固執

復於國家何有朕豈利之至如彼州集作鐵柱州圖地記

是唐九徵所記之地誠有故事朕豈妄言所修城壁亦依

故地若不復舊何謂

集作

通和蠻中抄掠彼人勘問亦有

此事緣其初附法令未行亦有姚雋邊人姦險求利或入

蠻同盜亦不可知既與贊普重親朕又君臨大國正欲混

同六合豈復侵取一隅拜三已論何乃不信顧慙薄德良

用咨嗟且如小勃律國歸朝即是國家百姓前遭彼侵伐  
 乃是違約之萌朕以結信既深不顧其小中間遣使曾不  
 形言贊普何獨相尤而不思已惡集作西之事所存既大當  
 共成之近聞莽布支西行復有何故若與突騎施相合謀  
 我積西未必有成何須同惡若爾者欲先為惡乃以南蠻  
 為詞今料此情亦已有備近令勒兵數萬繼赴安西儻有  
 所傷慎勿為怪也朕心無所負事欲論平但國家之所守  
 者信鬼神之所助者順未有背道求福違約能昌何況兵  
 衆不可當而又天道所不假以此求濟不亦難乎遠道所  
 傳多應不實亦言集作計贊普不合異圖故令人審度集無度字  
 看定何緣也待潘息回日更且委曲今附少物具如別數  
 為路遠不得多附春首尚寒贊普及公主比如宜也平章  
 事及首領已下並平安好今使內常待竇元禮遣書指不  
 多及

四

皇帝問贊普得七月一日信所言陰承本奏請不擬與彼  
 和將兵馬大入者至如和與不和事皆由朕自斷何人輒  
 敢奏聞何兵即敢擅入且舅甥二字集作所結親好不是近年文  
 成公主已來亦重疊矣中間或絕或繼終是舊好存焉唯  
 道此有纜臣不知彼專構造亦須自覺豈可推過至如兵  
 馬邊備彼與此同既見彼處加兵豈令此摠無備矣疑自  
 彼起不可相充近日築城不出疆域邊頭有要隨事修營

何所致疑以此爲語且彼頽歲亦築數城若不惡心何故  
嚴備固是邊境當然不足爲言忽此相尤深所未達彼蕃  
必其自守此兵終當復行所先立盟誓更知何用鬼神知  
意不復多言秋氣已冷贊普及平章事已下竝平安好遣  
書指不多及

五

皇帝問贊普此使前至之日具知彼意實元禮集作中間  
所云亦已備論且親以舅甥之國繼集作中以姻婭之好義  
非不重心豈合疑頃歲已來加之盟約此又不信其如之  
何至如境上蠻夷元是衆物來不可拒去不可追前書已  
言想所知也而每來信使皆以爲辭或云赴界築城或稱

將兵抄掠且蠻旣背彼伊自築城城在蠻中人即隨地所  
有侵竊亦是群蠻皆在遐荒豈關處分而歸過於我無乃  
甚乎邊境小人不識大體此旣未免彼亦有之間構旣行  
猜嫌互起朕近已知此贊普亦須察之勿取浮言虧我大  
信以絕兩國之好甚善甚善所有諸事皆具前書公主所  
請與人官及內人品第即當續有處分春晚漸熟贊普及  
平章事首領百姓並平安好今有少物別其委曲至宜領  
取遣書指不多及

六

皇帝問吐蕃贊普朕與彼國旣是舊親近年已來又加盟  
約如此結固仍有猜嫌明知異域之心亦難可保此者所

有信使唯知怨此相違自料國家何負於彼至如突騎施  
曩爾醜虜頃年恃我為援幸至今日而敢辜恩朕未即誅  
之待其惡積贊普越界與其婚姻前者以意向道即去尋  
已告絕朕亦委信以為必然今乃定婚如初黨惡可見又  
莽布支西出朕具知之今竇元禮往彼問以何故又道別  
緣他事為此追還其人實將兵向西擬行攻取前後詐妄  
言與事違驗在目前得不歎恨夫人之所以為貴者以其  
有信有禮國之所以能强者亦云唯信與義若言不可信  
義不可親雖在匹夫尚多耻媿何況君長能無情乎彼突  
騎施人面獸心偏僻荒遠見利則背與親實難贊普背朕

夙恩共彼國

集作相

厚應非長策可熟思之又比來觀彼事

意有殊往日唯任計數以此為能今與突騎施和親密相  
結託陰有贊助而傍作好人如此潛謀亦非遠計所欲為  
患不過邊庭且邊鄙一作庭之於中國如毫毛之在身耳以  
彼戎狄侵我毫毛雖實無多何須有損朕所以殷勤和好  
欲靜邊人君國之心不能忘也亦與贊普累代舊親幸無  
大故不宜輕絕今邊鎮兵馬不可不防彼亦有之與此無  
別既先舉自足知心從一作承前所言豈有虛也秋晚稍  
冷贊普及平章事首領百姓並平安好遣書指不多及

七

皇帝問吐蕃贊普此亦覺彼事勢有異畧加防備仍未益  
兵今得安西表來莽布支率眾已到今見侵軼軍鎮并踐

暴屯苗先知彼有異謀猶自未將至此者且莽布支西出  
朕先知之前令問其行由得報自緣別事今乃爲賊負心  
如何安西諸軍去此萬里倉卒遇敵何暇奏裁旣被交侵  
必應拒鬪儻有傷損可無相充軍城鎮守之人不可束手  
受死事由彼起深所咨嗟且累代舊親復新有盟約彼旣  
欺負天地違犯鬼神如此用心更知何道一往邊頭所備  
只緣慮有非常今果如言防乃不錯突騎施異方禽獸不  
可以人道論之贊普與其越境相親只慮野心難得但試  
和結久後如何於朕已然義則合絕但爲誓約在近親好  
又深彼雖背恩我豈尤効集作我尤効先令解問欲盡舊情必  
定爲惡別爲之所一昨遣內常侍劉思賢送公主分物并  
每年國信物見已臨路適會表來思賢此行量其在道遲  
緩今故令劉思賢判官劉明子先行其宜往意秋冷贊普  
公主及平章事首領百姓等並平安好遣書指不多及

勅吐蕃宰相書

陸贄

勅尚覽鑠論莫陵悉繼集作維等至省所陳奏朕具悉之國  
家與大蕃親則舅甥義則隣接息人繼好固是恆規朕嗣  
位君臨思安兆庶常以信讓爲事不以爭競爲心區域雖  
殊覆育寧別贊普天資仁德惡殺好生與朕同心重修舊  
集作和好會蕃漢將相告天地神祇約誓事之言至嚴至重  
大信一立義無改移所請奉天盟書勒於清水碑石審詳  
事理頗甚乖違往歲賊臣稱兵竊據城集作宮闕尚結贊志

惟嫉惡義在集作切救災頻獻表章請收京邑朕以宗廟社

稷悉在上都但平寇戍豈惜酌賞集作獎遂集作掌許四鎮之

地以答收京之功旋屬炎蒸又多疾疫大蕃兵馬便自抽

歸既未至集作到京有乖始望奉天盟約豈合更諭朕欲苟

徇彼情便令鐫刻則是事非務實信不由衷欺天罔神莫

大於此凡曰通好貴於推誠將垂百代之名豈顧一時之

利但以事之去就須定是非若不辯明便成姑息親隣之

義豈所宜然故遣使臣與卿詳議卿是大蕃輔佐必當集作

應智識通明事理昭然不足疑惑儻有他見宜具奏聞審

細研窮須歸至當所論先許每年與贊普絹絲一萬疋段

者本來立約亦為收京然於舅甥之情此乃甚為小事二

國和好即同一家此有所須彼當不恡彼有所要此固合

供以有均集作易無蓋是常理贊普若須繒帛朕即隨要支

分多少之間豈拘定限假使踰於萬疋亦當集作冀稱彼所

求朕之所重者信誠所輕者財利思與率土同臻大和想

卿深體至公務存集作全大義安人保境垂美無窮勉思令

圖集作猷以副朕意今遣倉部郎中兼侍御史趙聿與來使

同往書中意有不盡並令趙聿宣尚結贊論莽羅等掌

摠師徒遠來赴難功雖未就義則可嘉其所領將士等朕

先許其賜物壹萬疋段並已排比訖待卿所商量指定此

使却回即發遣往今各賜卿少物至宜領之

勅吐蕃宰相尚結贊書

前人



勅尚結贊卿天資才術一作作輔大蕃識通古今志奉忠

信義聲積著遠近集作流傳比聞入典樞衡近知還惚戎

務二國所定和好首末是卿商量得卿却來深以為慰昨

者邊軍狀奏云彼國兵馬踰越封疆朕以畫界立盟先有

定分贊普素熟仁義卿又特稟純誠背約侵漁必無此理

但勅邊城自備不令輒動干戈若使効尤恐成交惡初疑

界首遊奕少有乖宜不謂大發師徒集作漸加侵軼興兵

動衆必合有名蕃軍此行未測其故朕自嗣膺寶位即與

贊普通和敦以舅甥結其集作鄰援懲戰爭之弊弘禮讓

之風彼此大同務安衆庶乃於境上建立壇場契約至明

誓詞至重告于皇天后土諸佛百神有渝此盟殃及其國

朕敬奉誠約分毫不移集作信使交歡歲時無絕碑文具

在可集作以明徵豈有一事不行一言不守頃今趙聿專

往近從彼方集作却回蕪聞彼蕃使同來至今猶在道

路卿所諭奏朕並未知待審集作事由乃集作可商議既

稱和好理絕相疑未合輕舉甲兵便踰境界盟誓之語忽

焉若遺天地明神豈其可罔卿智識明遠朕所深知頃年

猶舉義師救此災患今豈不存大信遂棄今名故專遣集

使見卿欲審知來意却聞還奏以副所懷趙聿及蕃使

等計朝夕集作到待覽表中意旨集作續即商量報卿

卿涉遠而來當甚勞頓今賜卿其物至宜領之秋冷卿比

平安好將士等並存問之

勅尚結贊書第三卷

前人

勅尚結贊蕃使論其等與蕃軍同到卿所陳奏朕具悉

之誠意勤勤志敦和厚上以集作勇甥之義次以表結

集作結鄰援之歡外以彰禮讓之風內以息戰爭之患兼此數

美昔賢所難集有非字卿才越等倫識通今古故集作能匡輔

大國弘宣遠圖集作施美利於當時傳盛名於不朽眷懷

明畧歡尚良多然以替昔來書務於叶睦卿之所奏亦貴

通和初覽其言實嘉德義及觀其事頗訝垂遠以卿賢明

朕素信重棄義踰約計必不然未測事由因何至此頃年

所定和好言約頗謂分明至如四鎮北庭元不割與蕃國

及朱北停逆作亂上集作都卿仗義興師請收京邑遂許四鎮

北庭之地將以答報集作其功旋屬炎蒸蕃軍便退奉天

之約豈可更論事甚分明固無疑惑凡言結好所貴和同

通體商量有何不可大蕃若必要四鎮北庭之地即合直

以情言彼但說其誠心此亦自有分義豈可集作曲徵前

事集作廣起集作異端仍發師徒集作兵師務張威勢蕃使猶未至

此蕃軍早已越疆或稱欲自赴朝或言更定言誓既虧盟

約且失禮義言與事違將何取信夫人君集作立國必不

徒一作然惟漢與蕃各受天命勝負固有定分強弱寧由

力爭卿欲以衆相侵以威相脅謂天地可罔謂盟誓可渝

卿當肆意所為何必更論好和儻若守其前約敦以親隣

去就之間固宜有禮遣使來往足得商量張皇師徒集作兵師

是何道理和好者禮義之事甲兵者爭奪之由二端懸殊

理不並用今欲以甲兵之勢定和好之辭事必不成縱成

集作亦成何益卿識見通敏器宇沉詳如此事宜不言可悉未

知來意竟擬集作欲何如且百未論和是卿商議清水會盟

之日卿又親發誓詞將期去殺好生修文偃武未安兆庶

垂法子孫天下稱嗟以為盛美不經數歲遽有變移非獨

見誚於四方亦將集作當取笑於千古以此思度甚欲通和

彼雖小似侵漁集作陵朕亦未即交惡故遣某官某乙與卿

更審籌量卿若必務和同更無他意即宜便歸本界遣使

其述本集作事情所須四鎮北庭朕當自有推讓如或託稱

變好志在別圖集作謀依前縱兵不即歸國唯利是視亦聽

彼懷和與不和於茲決定書中事有不盡並令某乙口宣

宜令速回竚望來奏所獻方物深表遠誠今賜卿某物至

宜領也秋冷比平安好

與吐蕃宰相鉢闡布書

白居易

勅吐蕃宰相沙門鉢闡布論與勃藏至省表及進奉具悉

卿器識通明操集作藻行精潔以為真實合性忠信立誠故

能輔贊大蕃叶和上國弘清淨之教思安邊陲廣慈悲一作

愍之心令息兵甲既表卿之遠畧亦得國之良圖况朕與

彼蕃代為甥舅兩推誠信共保始終覽卿奏章遠叶朕意

披閱嘉嘆至于再三所議割還安樂奏原等三州事宜已

具前書非不周細及省來表似未指明將期事無後艱必

在言有先定今信使往來無壅疆場彼此不侵雖未申以  
會盟亦足稱爲和好必欲復修信誓即須重畫封疆雖兩  
國盟約之言積年未定但三州交割之後尅日可期朕之  
衷情卿之志願俱在於此豈不勉歟又緣自議三州已來  
此亦未發專使今者贊普來意欲以再審此言故遣信臣  
往輸集作論誠意即不假別使更到東軍此使已後應緣盟  
約之事如其間節目未蓋更要商量卿但與鳳翔節度使  
計會此已處分令其奏聞則道路非遙往來甚易頗爲便  
近亦冀速成更待要約之言皆已指定封疆之事保無改  
移即蕃漢俱遣重臣然後各將成命事關久遠理貴分明  
想卿通才當稱朕意曩者鄭叔矩路泌因平涼盟會沒落  
蕃中比知叔矩已亡路泌見在念茲存沒每用惻然今旣  
約以通和路泌合令歸國叔矩骸骨亦合送還表明信誠  
蕪亦在此其論與勃藏尋到鳳翔舊例未進表函節度不  
敢聞奏自取停滯非此稽留昨者方進表函旋令召對今  
便發遣更不遲回仍令與祠部郎中蕪御史中丞徐復及  
中使劉文燦等同往其餘事宜等已具與贊普書內卿宜  
審於謀議速副誠懷蕪有少信物賜卿具如別錄至宜領  
也冬寒卿北平安好遣書指不及多

文苑英華卷第四百七十

翰林制詔五十一

吐蕃書下

與吐蕃宰相尚綺心兒等書

白居易

勅吐蕃宰相尚綺心兒等論悉吉贊及論思諾悉等繼至  
 省表并進奉具悉卿等才器特茂識畧甚明伏羲立身資  
 忠事主上佐贊普下康黎元以尋盟納款為謀以繼好息  
 人為請是卿上策叶朕中心每覽表章輒用嘉嘆朕與彼  
 蕃國代為舅甥日結恩信自論盟會頗歷歲時常欲速成  
 以為永好雖誠明之內彼此無疑而言約之問往復未盡  
 今故畧叙來意重示所懷想卿通明當所鑒悉河隴之地  
 國家舊封論州郡則其數頗多計年歲則沒來甚近既通

和好悉合歸還亦者捨而不言豈是無心愛惜但務蚤成盟約所以惟論集作三州則沒於彼者甚多歸於此者至

少猶合推為集作禮讓豈假形於言詞來表云此三州非

創來侵襲不可割屬大唐且此州本不屬蕃豈非侵襲所

得今是却歸舊管何引割屬為詞去年與論敦藏來耶一作

却云覆取進止贊普便請為定今兩般使至又云此之小

務未合首而論之前後既有異同信使徒煩來去雖欲速

為盟會其如無所適從靜言二三固不在此若論和好即

合各無侵軼已同一家若議修盟即須重定封疆先還三

郡若三郡未復兩界未分即是未定封疆憑何以為要約

彼若恠惜小事輕易遠圖未能修盟且務通好至於信

一往一來但令速數符中足表情意不絕彼有要事即令

使來此有要事亦令使往若封境之上小小事意但令邊

頭節度兩處計會商量則勞費之間彼此省便前般蕃使

諭悉吉贊至緣盟約事大須審商議集作未及發遣後使

續來來使雖是兩般所論只緣一事故令相待令遣同歸

在於日時亦未淹久所送鄭叔矩及路泌神枢及男女等

竝已到此良用惻然厚賙集作遠歸深嘉來意其劉成師

元非劉闢之子姪本是成都郡人已令送還本貫其餘事

目竝贊普書中卿等宜審叅量以副朕意使回之日可備

奏聞今遣兼御史中丞奉明鈞及中使與回使同往各有少

信物具如別錄集作至宜領之秋涼等各得平安好遣書

指不多及

與吐蕃贊普書

封敕

皇帝舅敬問贊普外甥尚屈立熱論拱熱等至得書并物  
 具悉外甥雄武挺生英威特立本邦奉化隣國推賢修仁  
 義以保名仗誠明而遂物橐弓匣劍無聞戰伐之音被野  
 緣原不廢耕耘之具一作儻非理化孰見和寧足觀盛業  
 興行人心率服以茲觀政深用慰懷朕自守丕基敬遵前  
 訓君臨四海子育萬方誠信必及於豚魚恩澤不遺於草  
 木况外甥親臨極分歲月茲深雖山河阻修而音耗鄭重  
 疆分二塊地合一家載覽來章具悉深旨所欲務存久要  
 願見良圖但能各重其歡各厚其俗戎車息駕烽火不飛  
 共保封疆兩均休戚質神明而不惑覽日月而常明宜體  
 至懷永綏多福承前朝覲人數界首素有常儀公家之事  
 難於遠越昨者尚屈立熱等到鳳翔隨從共七十人準舊  
 例只令十人入朝今緣兩國和好不同元和已前遂令三  
 十五人赴闕自今已後所遣使須遵舊例不得剩史差人  
 勿令交馬之後妄有論請拱熱等還蕃有少物數如別錄  
 點戛斯書

點戛斯書

與點戛斯可汗書

李德裕

皇帝敬問點戛可汗温乍合將軍至覽書及所獻馬百疋  
 鷓十聯具悉可汗特稟英姿生知雄畧奮揚威武底定龍  
 充掃回鷓之穹居報怨以直護公主之厨幕事大以誠又

遺貴族信臣載馳朔漠名馬驚鳥遠涉流沙既展同姓之

親克副懷柔之意集作眷言勲績深慰子衷朕獲奉丕圖

撫寧萬國豈望化孚有截致殷湯來享之明實恐德未徧

覆愧漢宣兼臨之盛况與彼國壤隔外內非正朔所加禮

既不施政豈宜及但以惜可汗宗盟之國願保光集作名

為可汗久集作遠之謀湏除後患所以具古今禍福往論

至懷昔呼韓耶單于以郅支尚存國難未靖稱蕃事漢福

及子孫至後漢單于比以其集無大父依漢而安繼襲其

號上書款塞永願藩蔽漠南遂得集作朔塞底寧烽燧永

息近則回鶻仗集作大國之援雄長比蕃諸部率從莫敢

不服一隅安樂百有餘年此事昭然可汗所觀今回鶻

類未盡分集作居蕃漢之間爰及黑車子久畏其威素習

非信慮彼再振常持兩端湏令小蕃知朕親厚可汗棄絕

回鶻實在和好分定內附約明則邪計姦謀無由而入故

欲顯加冊命昭示萬方况登里可汗回鶻舊號是國家頃

年前集作賜非回鶻自製此名今回鶻國已破亡理當

避朕以可汗先祖在貞觀中集作身自入朝太宗授以

在衛將軍堅昆都督朕思欲繼太宗之舊典彼亦宜遵先

祖之明誠便以堅昆為國施於冊命更加美號以表懿圖

集作况堅者不朽之名昆者有後之稱示不忘本豈不美

歟朕昨令禮部尚書鄭肅等與彼使臣面陳大計温件合

將軍等皆諭朕旨願言結成豈必契徑路之金舉留犁之

六年刊



酒前漢匈奴傳單于以徑路刀金留犁撓酒注云徑路匈奴如寶刀契刻也留犁飲上也英華直作留璃今從漢書

保茲誠信固在厥初頃者回鶻初至塞上請國家精兵十

萬送至漠北漸歸本蕃又請借漢界一城養育疲羸以圖

興復朕以可汗之故盡不聽從今回鶻是國家叛臣為可

汗讐敵湏去根本方保永安况是天亡之時易於攻取古

人云天與不取反受其咎可汗湏乘此機便早務芟夷回

鶻未滅已前可汗勿以飲食為其戈獵為樂勵兵秣馬不

可暫閑所恨限集作在諸蕃國家難為集作同力儻更近

塞豈復稽誅又恐餘孽歸降集作無歸可汗未能盡戮納有罪

之衆受逋逃之臣儻收吾情必仍邊隙此則是蕃養虺毒

自生厲階前年回鶻宰相等向漢使云李靖擒頡利可汗

意張蕃吳王二十人便却興復雖在危困尚示張

皇可清淑豈言豈得不慮又聞合羅川回鶻牙帳未盡

毀除想其懷劫必有思歸之志要速集作平其區落

無使子遺既表成功德當絕望可汗以集作攄積年之憤

自為一代之雄至於居處服章皆宜變革焉得安於所習

姑務因循則何以震耀北方彈壓諸部朕撫有中夏愛育

生靈常恐百姓未安一物失所豈願更廣威畧遙制要荒

但緣與可汗方保和盟義同憂樂纖微之事皆欲備言想

可汗與將相籌謀副茲誠意此使到日必諒朕心即宜速

遣報章此當遣重臣冊命夏熱想可汗休泰將相已下竝

存問之遺書指不多及

與黠戛斯書

前人

皇帝敬問黠戛斯可汗將軍諦德伊斯難珠至覽書并白  
馬二匹具悉可汗降精斗極雄漢朔以為君集作雄朔漢以稱君稟  
耀旄頭分天街而建國特表集作負英豪之氣夙推統馭之  
才眷相嘉猷載深寤歎來書云温忤合將軍歸國後漢使  
不來温忤合去日朕書具云速遣報章此當遣重臣冊命  
自是可汗未諭此意報答稍遲此則尋欲遣使只是延望  
來信又云金石路隔絕蓋為山川悠遠未得自與可汗封  
壤接連非是兩國之情猶有阻隔想可汗明識無復致疑  
又云兩地遣書彼此不會且書不可以盡言言不可以盡  
意况蕃漢文字傳譯不同只在共推赤心永保盟好豈必  
綠飾此語以此交歡想每欲思惟先思好意不更疑惑便  
是明誠又口集作云欲除却兩楹間惡刺此之一事最集作實  
是嘉言緣回鶻雄據北方代為君長諸蕃臣伏百有餘年  
今可汗掃除穹廬集作掃其穹居大雪讐耻功業既高於前古威  
聲已振於北荒固當深務遠圖豈可更留餘燼黑車子不  
度德量力敢保寇讐則是侮慢可汗獨不嚮化此而可忍  
孰不可容况可汗前來云求訪送公主使上天入地必須  
覓得今若捨而不問何以取信朕懷想可汗前乘彼盛秋  
長驅精騎問回鶻逋逃之罪行黑車子後服之誅取若拾  
遺役無再舉從茲蕩定豈不美歟來書又云送公主到彼  
無一語來緣公主絕離可汗五日便被回鶻劫奪所遣來

文苑英華

卷一百七十一

五

三五年刊

使盡被傷殺公主二年之中流離沙漠事已隔遠所以不  
再叙言然趙蕃去日已具感悅之心足表懃懃集作懃之意  
又聞今秋欲移住一作就回鶻牙帳其大國便保舊居足  
使諸蕃畏威回鶻絕望稍近漢集作邊境頗謂良圖所云請  
發遣兵馬期集去處緣黑車子猶去漢界一千餘里在沙  
漠之中從前漢兵未嘗到彼已聞回鶻深意常欲投竄安  
西行至今秋朕當令幽州太原振武天德緣邊四鎮要路  
出兵料可汗攻討之時回鶻必當潛遁各令邀截便可梟  
擒此是軍期須如集作合符契想可汗必全大信用叶一心  
諦德伊斯難珠朕已於三殿面對兼賜宴樂竝依來表不  
更滯留續遣重臣便申冊命故先達此旨令彼國明知冊  
命之禮竝依回鶻故事可汗爰始立國臨長諸蕃須示隣  
壤情深宗盟義重以此鎮撫誰敢不從宜體至懷共恢集作  
弘遠畧春暖想可汗休泰將相以下竝存問之遣書指不  
多及

與黠戛王書

前人

皇帝敬問黠戛王時及陽和想比佳適注吾合素等至省  
表并進馬事具悉國王陰山雄勁朔野英雄包智畧以周  
身推誠明而有衆聲高夷落威重蕃疆專遣使臣遠獻名  
馬嚮化之誠既展輸忠之効頗明臨軒省章輟食嘉歎眷  
言忠盡寧忘寢興頃於貞觀中彼國常奉朝貢亦授官爵  
寵賜而還爾後但訝音耗久乖不知中爲回鶻所隔及覽

文苑英華卷一百一十五 六 四  
二萬曆六年刊

來表方嘉壯圖蓄銳多年乘機大舉快雪寃憤豁開心懷  
回鶻之營壘既平國家之山河不間既為隣境遂閱貢章  
又知破回鶻之時取得太和公主特遣專使送歸闕庭雖  
聞行至中途却為回鶻所奪在國王遵以禮義推之和寧  
遠同族之譏嫌厚親隣之恩信賢明如此愧慰難名回鶻  
頃以失國為詞款塞相託朕以勲親是念拯卹屢加曾不  
知恩漸開疑稔惡賤棄公主侵暴平人日尋干戈時竊半  
馬朕為全舊好不下明誅歲月滋深邊防將倦各用長策  
繼彰殊勲焚帳幕而公主歸還透網羅而元惡逃遁顧其  
餘類何所寄生國王遠聞想同深一作與同慰然猶悲弄竄尚  
有姦兇又慮侵彼封疆將復讐怨國王亦須嚴為備擬  
設機謀同務討除盡其根本無貽後患勉繼前修親仁善  
隣惟彼與此勿謂遐遠常一作嘗非存寤思因注吾合素回且  
先詔示其他禮命續專遣使宣慰想宜知悉

紇斡斯書

按唐書黠戛斯古堅昆國亦曰紇斡斯後訛為  
點戛斯詳書中事意與前點戛斯書及唐點戛  
斯傳並同今華既出點戛  
斯門又有紇斡斯門當考

與紇斡斯可汗書

前人

皇帝敬問紇斡斯可汗時屬載陽想彼休泰朕無臨萬寓  
子育群生思致洽和用臻至理將軍踏布合祖等至覽表  
具知可汗生戴斗之鄉居寒露之野智謀精果材志沉雄  
威動龍荒聲馳象魏眷言丕績深注予集作懷我太宗文

皇帝聖德高於百王英才軼於千古內定諸夏外服百蠻  
貞觀四年西北蕃君長詣闕頓顙願請上尊號為天可汗  
是後降璽書西北蕃君長皆稱皇帝天可汗臨統四夷實  
自茲始洎貞觀六年太宗遣使臣王義恒集作弘至可汗本  
國將命鎮撫貞觀二十二年可汗本國君長身自入朝太  
宗授左屯衛將軍昆堅都督至天寶末年朝貢不絕則可  
汗祖先已授我國家恩德計可汗國中遣老必自流傳朕  
續奉不圖思申舊好比聞天德集作寶已後為回鶻所隔久  
阻誠款集作懇回鶻自謂天驕罔修仁義肆行殘忍凌虐諸  
蕃知可汗代為仇讐果能報復滅其國邑皆以丘墟驅彼  
酋渠盡逾沙漠茂功壯節近代無儔回鶻當中國伐叛之  
時嘗展勳方列聖加其大順累降姻親今失國逃亡依集作  
審于塞上只合早歸窮款受朕撫循而乃轉自鳴張益懷  
狼顧在陰山之外誘惑小蕃乘我無虞即來侵掠恣為邊  
患今已四年朕大徵甲兵欲盡集作久欲除剪比令幽州太原  
兩道節度皆充招撫以示綏懷望其悛心猶務含育而陵  
蔑公主頓擬傷殘馳突邊城敢謀竊盜近太原節度使劉  
沔不勝其忿潛出偏師乘其壽張便襲虜衆大潰穹廬盡  
焚亢惡傷夷集作殘脫身潛竄已取得太和公主即至闕庭  
回鶻殘兵不滿千人散投山谷計旬日之內必合梟擒朕  
再見公主良深集作用欣慰可汗既為讐怨心須盡殲夷僕留  
餘燼必生後患想遠聞慶快當倍集作慙慙心聞可汗受氏

貞觀四年西北蕃君長詣闕頓顙願請上尊號為天可汗

心聞可汗受氏

之源與我同族北平太守材氣天下無雙結髮事邊控弦  
貫石自後子孫多習武畧代為將門嫡孫都尉提精卒五  
千深入大漠單于舉國來敵莫能抗威身雖陷敗名震  
猶集作天下我國家承北平太守之後可汗又是都尉苗裔以  
此合族尊卑可知昨聞太和公主為可汗兵衆所得可汗  
以同姓之國便遣歸還有此見可汗秉禮義之心重親隣  
之好朕深用感歎至于涕集作泣零公主尋為回鶻劫奪久  
不歸國可汗所遣使臣皆被殘戮朕言念傷痛至今不忘  
昨見可汗表求訪送公主使上天入地必須覓得今邊將  
憤惋已立奇功回鶻罪人計日可致即當顯戮以謝可汗  
况回鶻夷滅種族必盡與可汗便為隣國各保舊疆繼好  
息人事同一體從此邊陲罷警弓矢載棄必當諸部服從  
皆懷健羨知我兩國永為宗盟想可汗明智自有良筭故  
令太僕卿兼御史丞相趙蕃特克節使以答深誠質於神  
明用存大信朕言不貳可不勉歟又自古外蕃皆須中國  
冊命然可彈壓一方今欲冊命可汗特加美號緣未知可  
汗之意且遣諭懷待趙蕃回日別命使展禮以申和好彼  
國集作將相竝存問之遣書指不多及

南詔

勅西南蠻大首領蒙歸義書

張九齡

勅西南蠻大首領蒙歸義書及諸酋首領等卿等近在邊  
境不比諸蕃率種歸誠累八如此况卿等更効忠赤朕甚

嘉集作之頃者諸酋之中或有携貳相率自討惡黨悉除  
即日蕃中應且安帖然則地臨外境亦須有豫人無遠慮  
必有近憂卿可思之豈虛語也所有蕃中事意使者具知  
之比秋涼卿及首領百姓並平安好遣書指不多及

勅柘靜州首領書

前人

勅柘靜等州部落昨王承訓去綠當州百姓有相扇動故  
今宜告告示彼人如卿柘靜等州種落各異本自寧帖何  
復為言比者誅訪使處置或未得所朕既知之已有處分  
卿等祖父忠赤輸誠國家既足子孫久襲冠帶各守先業  
足得坦然何所憂虞而云駑懼宜各遮相告語勿使更然  
夏中已熱首領百姓等並平安好遣書指不多及

勅西南蠻大首領蒙歸義書

前人

勅蒙歸義吐蕃於蠻擬行報復又雋州鹽井本屬國家  
間被其內侵近日始復疑收得卿彼蕃落亦應具知吐蕃  
唯利是貪數論鹽井比有信使頗以為辭今知其將兵擬  
侵蠻落兼取鹽井事似不虛國家與之通和未嘗有惡今  
既如此不可不防卿即與達奚守珪部落勤集作練候其  
有動然可出兵必無事蹤亦不得先舉又雋州相去道里  
稍遙若有緊急復須為援並委卿與達奚守珪計會無失  
事宜卿於國輸集作誠在邊為捍委寄得所朕復何憂秋  
中漸涼卿及首領部落百姓並平安好故令內給事中王  
承訓往一一口具遣書指不多及

勅蠻首領鐸羅望書

前人

勅故姚州管内大酋長郝傍時嫡孫將軍鐸羅望卿之先  
祖輸忠奉國遽聞祖逝深愴于懷言念邊人必籍綏撫又  
逼蕃界兼資鎮遏卿宜續承先業以副朕心故遣宿衛首  
領王白于姚州都督達其守珪計會就彼吊慰便授卿襲  
浪穹州刺史并賜綾絲三百疋至宜領取秋中已涼卿及  
首領已下並平安好遣書指不多及

勅安南首領歸州刺史爨仁恝書 前人

勅安南首領歸州刺史爨仁恝潘州刺史潘明威僚子首  
領阿迪和蠻大鬼主孟谷悞姚州首領左威衛將軍爨彦  
驤將軍昆州刺史爨嗣紹黎州刺史爨魯戎州首領

門大將軍南寧州刺史爨歸南王寧州司馬威州刺史

太鬼主爨崇道昇麻縣令孟聘集作卿等雖在僻遠各有

部落俱屬國家竝識王化比者時有背叛似是生梗及其

審察亦有事由或都府不平處置有失或朋讐相嫌經營

損害既無控告自不安寧兵戈想防亦不足深恠也然則

旣漸風化亦當變俗二字集作頗革蠻俗有須陳請何不奏聞蕃中

事宜可具言也今故遣掖庭令安道訓往彼宣問竝令口

具有不穩便可一一奏聞秋中已涼卿及百姓已下竝平

安好遣書指不多及

與南詔清平官書 白居易

勅南詔清平官段諾突李附覽爨何棟伊輔首段谷普李



昇傍鄭蠻利等段史倚傍一作至知異年尋喪逝朕以義重君臣情深軫悼卿等哀慕所切當何可任又知閣勸繼業無人輸誠奉教黎蒸咸又封部獲安皆是卿等同竭忠謀佐成休績永言及此喜集作嘉慰良深勉於集作終令圖以副遐矚今遣諫議大夫兼御史中丞段平仲持節冊命閣勸想當悉之卿等各有所信物具如別錄至宜領也春寒卿等各得平安好遣書指不多及

同前

封赦

勅段琮傍段酉琮獨棟揭遷趙文竒蒙善政李守約等各蘊器能夙懷忠義宣功爾室贊理本邦禮樂具修車書必會勵輸忠之節操披嚮化之誠明亟涉道途遠遵職貢感儀就列同慶於三朝筐篚克庭有勤於萬里道光殊俗禮慕華風克成君長之賢深見佐臣之美勞忠可尚鑒寐寧忘勉守令圖用慰遐矚得前雋州錄事叅軍陳元舉男播狀稱父及弟末等二十七人自太和三年沒落在彼未蒙追索詳其語旨切在感傷朕思骨肉之情人倫所極家鄉一異音耗兩亡生死莫知幽明同怨爲人君長深用軫憂今與豐祐書中具言其事卿等職當毗贊義重君臣執之何補於良圖歸之尤重於交好想同叅議用解幽寃今賜卿少信物具如前數

文苑英華卷第四百七十終

文苑英華卷第四百七十一

翰林制詔五十二

蕃書四

驃國書

與驃國王雍羌書

白居易

勅驃國王雍羌卿性懷

集作弘

毅勇代濟忠貞

集作貞良

訓撫師

徒鎮寧封部欽承王化思奉朝章得睦鄰之善謀秉事大

之明義又令愛子遠赴闕庭萬里納忠一心稟命誠信彌

著忠嘉

集作嘉相

益深今授卿檢校太常卿并卿男舒難陀那

及元祐摩訶思那等三

集作二

人亦各授官告往至宜領之

此所以表卿勲勤申朕恩禮敬受官爵

集作新命

求為外臣勉

弘令圖以副返羈今有少信物具如別錄想宜知悉也冬

寒卿比平和集作安官吏百姓等並存問之遣書指不多及

新羅書

勅新羅王金興光書二首

張九齡

勅新羅王開府議同三司使侍節大都督雞林州諸軍事

上柱國金興光賀正使金竭集作竭丹等至兼得所進物省

表具知海路艱阻朝賀不闕歲益忠謹日以嗟彌所謂君

子為邦動必由禮項者渤海集作靺鞨不識恩信自集作負

恃荒遠且爾逋誅卿疾惡之情常以奮厲故去年遣中使

何行成與金思蘭同往欲以叶謀比聞此賊困窮偷生海

曲惟以抄竊作梗道路卿當隨近伺隙掩襲取之奇功若

有所成重賞更何所愛集作惜適欲多有寄附實恐集作慮此

賊抄奪不可不防豈資窮寇待蕩滅之後終無所惜昨金

志兼等到頓緣事物集作緒未及還期忽嬰疹疾遽令救療

而不幸殂逝相次數人言念殊卿載深軫悼想卿聞此良

以增懷然死者生之常固其命也固當理遣無以累情秋

初尚執卿及首領百姓以下並平安好今有答信物及別

寄少信物並什金信忠往至宜領取遣書指不多及

二

勅雞林州大都督新羅王金興光賀正謝恩兩使繼至再

省來表深具雅懷卿位總一方道踰萬里純誠見於章奏

執禮存乎使臣雖隔滄溟亦如會面集作面會卿既能副朕虛

已朕亦保卿一心眷言集作言念懇誠每以嗟尚况文章禮樂

繫焉可觀德義簪裾浸以成俗自非才包時傑義集作志合

本朝豈得物土異宜而風流一變乃比卿於魯衛豈復同

於蕃服朕之此懷想所知也賀正使金義質及祖榮相次

末逝念其遠勞情以傷憫雖有寵贈猶不能忘想卿乍聞

當甚軫悼近又得思蘭表稱知卿欲於淇江置戍既當渤海

衝要又與祿山相望仍有遠圖固是長策且蕞爾渤海

人已逋誅重勞師徒未能撲滅卿每嫉惡深用嘉之警寇

安邊有何不可處置訖因使以聞今有少物答卿厚意至

宜領取春暮已暄卿及首領百姓並平安好遣書指不多

及

三

勅維林州大都督新羅王金興光比歲使來朝貢相繼雖

隔滄海無異諸華禮樂衣冠亦在此矣皆是卿率心忠義

能此恭勤朕每嘉之常優等數想卿在遠應體至懷頃者

被遣集作處使來累有物故水土不習飲食異宜奄忽為災

遂至不救言念逝者此其命乎想卿乍聞應以傷悼所有

集作以表奏皆依來請夏初漸熱卿及吏人並平安好今有

少物並付來使至宜領取遣書指不多及

與新羅王金重熙書

勅新羅王金重熙金獻章及僧冲虛等至省表兼進獻及

進功德并陳謝者具悉卿一方貴族累葉雄材秉集作伏忠

孝以立身資信義而為國代承爵命日慕華風師旅叶和

邊疆寧泰况又時修職貢歲奉表章進獻精珍忠勤並至  
功德成就恭敬彌彰載覽謝陳益用嘉歎滄波萬里雖隔  
於海隅丹悃一心每馳於闕下以茲歎賞集作嘉尚常屬寢興  
勉弘始終用副朕意今遣金獻章等歸國并有少信物具  
在集作如別錄卿母及妃并副王宰相以下各有賜物至宜  
領之冬寒卿比平安好卿母比得如宜官吏僧道將千百  
姓等各家存問遣書指不多及

渤海書

勅渤海王大武藝書四首

張九齡

勅忽汗州刺史渤海郡王大武藝卿於昆弟之間自相忿  
鬩門藝窮而歸我安得不從集作容然處之西垂集作陸為卿  
之故亦云不失頗謂付所何則卿地雖海曲常習華風至  
如兄友弟悌豈待訓習骨肉情深自所不忍門藝縱有過  
惡亦合容其改脩卿遂請取東歸擬肆屠戮朕教天下以  
孝友豈復忍聞此事誠是惜卿名行豈是保護逃亡卿不  
知國恩遂爾背朕集作德卿所恃者遠非能有他朕比年含  
容優恤中土所未命將事亦有時卿能悔過輸誠轉禍為  
福言則已集作似順意尚執迷請殺門藝然後歸國是何言  
也觀卿表狀亦有忠誠可熟思之不容易耳今使內使往  
宣諭朕意一一並須口述使人李盡彥朕亦親有處分皆  
所知之秋冷卿及衙官首領百姓並平安好并遣崔尋挹  
同往遣書指不多及

二

勅渤海郡王忽汗州都督大武藝不識逆順之端不知存亡之兆而能有國者未之聞也卿往年背德已為禍階近能悔過不失臣節迷非復善即又可嘉集作迷復非遠善又何如朕記人之長忘人之短况又歸服載用嘉歎未祚東土不亦宜乎所令大茂集作茂慶等入朝並已處分各加官賞想具知之所請替人亦令還彼又近得卿表云突厥遣使求合擬打兩蕃奚及契丹今既內屬而突厥私恨欲讎此蕃卿但不從何妨有使擬行執縛義所不然此是人情况為君道然則知卿忠赤動必以聞未保此誠慶流未已春晚卿及衙官百姓並平安好遣書指不多及

三

勅渤海郡王忽汗州都督大武藝多蒙國所送水手及承前沒落人等來表卿輸誠無所不盡長能保此未作邊捍自求多福無以加也漸冷卿及衙官百姓已下並平安好遣書指不多及

四

勅忽汗州刺史渤海郡王大武藝卿往者誤計幾於禍成而失道未遙聞義能徙何其智也朕棄人之過收物之誠表卿洗心良以慰意卿既盡誠節未固東藩子孫百代復何憂也所集作近使至具知款曲兼請宿衛及替亦已依行大郎雅等先犯國章竄逐南鄙亦皆捨罪仍放歸藩卿可

知之皆朕意也夏初漸熱卿及首領百姓等並平安好遣書指不多及

與渤海王大彛震書

封款

勅渤海王大彛震王子大昌輝等自省表陳賀并進奉事具悉卿代襲忠貞器資仁厚遵禮義而封部和樂持法度而渤海晏寧遠慕華風聿修誠節梯航萬里任土之貢獻俱來夙夜一心朝天之禮儀克備龍庭必會覬域何遙言念嘉猷豈忘寤歎勉弘教義常奉恩榮今因王子大昌輝等廻國賜卿官告及信物至宜領之妃及副王長史平章事等各有所賜物具如別錄

奚書

勅投降奚等書

張九齡

勅新來投降奚等汝本小蕃不自存立頃年依我稍得安全而常持兩端遽即背叛忘恩負義豈是人心今者聞汝復歸亦應知過仍緣困蹙未免嫌疑汝若誠能洗心求以寄命便令處置汝等當須一一聽從即捨往僦更收來效官賞諸事皆如舊日各宜自勉勿不知恩比嚴寒汝等部落百姓並平安好遣書指不多及

勅奚都督李歸圖

集作國下同

書二首

前人

勅李歸圖近得李首珪表稱奚衙官釋集作釋雲轍構異謀攜間部落兼藏突厥仍欲圖卿知卿忠義一心糾逃無隱臨危割髮果獲罪人此雖天誘其衷亦是卿誠效克著聞

已誅翦是自滅亡朕於諸蕃含養過厚忝預人類亦合知  
恩但百姓無識易為驚擾安危動靜處之在人以卿才能  
自應率伏念加威惠勿使猜嫌既去亂群當已寧帖所設  
官賞惟待有功苟能盡節何憂不賞宜各集作各宜勉勵以副  
朕懷秋涼卿及將士百姓四字集作衙官以下並平安好遣書指  
不多及

二

勅奚都督右金吾衛大將軍歸誠王李歸圖朕比聞突厥  
欲滅卿兩蕃先勅守珪嚴為防護今聞涅禮已破兇徒仍  
慮其收合餘燼復來掩襲卿可與涅禮相為腹背但突厥  
不盡後患終深卿可伺其歸師乘其喪氣與諸將計會計  
急集作追襲時不可失宜自思之秋深極冷卿及衙官將  
士並平安好遣書指不多及

契丹書

勅契丹王據埽可突于書

前人

勅契丹王據埽及衙官可突于蜀活刺史鬱健等順道則  
吉惟智能圖逆節則凶豈愚所覺卿頃年背誕禍實自貽  
集作實今而知之亦猶未晚固是轉災而為福因敗而成  
功去百死之危保萬全之計則昔者之去何其悖也今茲  
復來又何智也皆是御素有籌畧本於忠誠率先種人拔  
於死地自爾之後更有何憂朕於諸蕃未嘗負約况於卿  
等更有舊恩聞卿此來豁然慰意一則兵革都息二則君



臣如初百姓之間不失耕種豐草美水蓄牧隨之更無外  
虞且知上策人生自奉誰不求安保此末年一無他慮在  
卿所見不集作何假朕言部落初歸應須安置可與守珪審  
定務依蕃部所欲相次集作相其沃饒之所適彼寒暑之便無  
令下人有所不愜也冬末極寒集作寒甚想卿及衙官軍吏刺  
史以下及諸部落百姓平安好遣書指不多及

勅契丹都督涅禮書

前人

勅契丹都督涅禮徃者屈突于克惡無心憂矜百姓背叛  
於我將日自防丁壯不得耕耘牛馬不得生養及依附突  
厥而課稅又多部落吁嗟瘠所見也李過析集作析下同因衆  
人之忿誅頑兇之徒諸部落酋豪相率歸我已令人隨事

賞錫集作賜

亦云且得安寧過折封王豈直賞功而已亦為

百姓衆意賴其撫存不知近日以集作已來若為非理亦聞  
殺害無罪捧打又多衆情不安遂致非命然卿彼之蕃法  
多無義於君長自昔如此朕亦知之然是卿蕃王有惡輕  
殺為此王者不亦難乎但恐卿今為王後人亦常不自保  
誰願作王卿雖蕃人是當上豪傑亦須防慮後事豈取快  
志目前過折既亡卿初知都督百姓諸處復又安寧以否  
八字集作諸處分復得安寧以否守珪先擬徃彼亦即令便就處置卿應  
有官賞即有處分其中甚熱卿及首領百姓並平安好今  
賜卿錦衣一副并鈿帶二字集作慶帶恐非七事至宜領取遣書指  
不多及

勅契丹知兵馬李過折書

前人

勅契丹知兵馬中郎李過折等卿比在蕃中已知才畧一  
 此行事十倍所聞既立殊勲又成大節何其壯也可突于  
 狡弄翻覆人面獸心事其君長不忠不義處其種落無信  
 無恩專持兩端隨事向背而屈烈集作列愚蔽與之同惡卿  
 此集作此觀變實為遠圖誅元兇而存一蕃行權宜而合正  
 道所全者大所慮實深今諸部帖然皆卿之力也且頃者  
 携叛聞集作又甚崎嶇羊馬不保於孳生田疇不安於耕種  
 寄命山谷併力干戈總由頑凶致此勞誓向若無卿此舉  
 信彼所行以疲弊之殘人當驍雄之巨衆彼則朝夕奔命  
 此方歲月攻守而衆寡不敵殲滅有期賴卿先見之明邊

鼎轉禍之計以救萬人之命以成萬代之名豈獨大功真  
 為上智今將疇其井賦異姓封王以旌厥庸且有後命在  
 彼初有變故乍應驚擾百姓既知所當安帖卿可與張守  
 理量事處置務逐便宜今既一家愛同赤子惟其所欲隨  
 事撫存春初尚寒及衙官刺史縣令并百姓以下並平安  
 好遣書指不多及

與契丹王鶻戌書二首

封敖

勅契丹王鶻戌大首領未荷得等至省所朝賀及進馬具  
 悉卿英推提出忠信生知威令可固於封疆誠素必彰於  
 禮義情深向闕志切輸忠萬里趨風表堅明之節操元辰  
 彌賈見學盡之忠勤想屬拜三寧忘寤寐將綏多福勉守

今圖今賜卿少物至宜領之妃以下及男等并兵馬使屯  
刺史梅落達磨縣令等各有賜物具如別錄未荷各賜官  
告想宜知悉春寒卿比平安好否兵馬使以下並各存問  
之遣書指不多及

二

勅契丹王鶻戍某至自所進馬事具悉卿才雄沙漠氣勁  
燕山忠良自稟於生知毅勇豈資於時習禮備正朔誠懸  
表章職貢聿修遠致右章之獻威儀就列常嘉左枉之風  
節及元正慶均多福永遵令善無替前勞相屬之懷籍興  
為念今賜卿少物至且領之

突騎施書

勅突騎施毗伽可汗書

張九齡

勅突騎施毗伽可汗天地有正位鬼神有正主敢此違犯  
必有禍殃不信朕言仁誠看取可汗雖為君長實在幽荒  
陰陰集作陰陽之氣偏僻如此縱欲自大其如天何往年可汗  
初有冊立以我國家常為勢援諸蕃聞此不敢動搖是我  
有大惠於可汗行德音集作陰德於彼國自爾以後二十餘年  
情義相親結為父子可汗身自不覺豈不是集作知彼之大  
援而戎俗少義見利生心故關集作闕俟斤入朝行至北庭  
有隙因此計議即起異心何羯達所言既是彼人自告縱  
跡已露然始行誅邊頭事宜未是全失朕猶以擅殺彼使  
兼為罪責北庭破劉渙之家仍傳首於彼可汗縱有怨望

亦合宜有奏論朕若不依舉兵未晚而乃搃無來狀即起  
凶謀侵我西州犯我四鎮連年累月馬死人亡於群胡已  
聞怨嗟於國家豈能大損中間使歌德都耽及安胡數半  
泥臨河來此求和朕亦信受故遣使相逐其宣往意其後  
審觀形勢各集作全是詐欺故密勅半道令廻豈是元心有  
負自爾之後侵犯不絕可汗有何兵衆遂此憑陵諸國聞  
此豈不得計約筭已西諸國未敵我一兩大州可汗亦應  
先知何煩遂爾爲惡况西州集作安西北庭將士皆是鐵石爲  
心可汗具詞不煩更道此則承前輕舉彼自無義却以我  
爲失無乃重其過乎可汗向若有禮以理論奏關集作闕俊  
月下羊馬數雖稍多欲爲補答亦何足難惟費一州庸朝

酬還則已大多而乃無義爲酬集作難恭我邊鎮孤城小堡

倉卒見危大率而言其數非少彼若計索馬價我亦須得

此物忝是有識之類可不自解思量又可汗正爲寇敗闕

伊難如從我界過葱嶺捕獲并物奏來所有蕃書具言物

數朕皆送還替普其中一物不留可汗亦以此爲詞謂言

朕留此物且蕃中貧薄所見不廣銀瓶香子將作珍奇墨

集作黑毯赤糜集作縻亦爲好物我中國雖在貧下固不以此

爲貴可汗宜識此意勿妄生詞且闕伊難如越界可汗復

邊頭作梗如此不促更促何人適是邊軍明其用命觀可

汗求和之意似集作此非未有真心只擬引誘國家乘便取利

如此等事何用言集作爲之我國家守信如天終不欺於物

謂天無信物應自集作無知然於四時終不差也可汗若遂能為惡朕當別有處分三二年内試看若少二字集作自若為必其省前非更思舊恩朕既棄捨大過父子如初可汗更有何處百姓皆得安樂一任可汗自料朕亦不復多言一一在使者口具秋中漸冷可汗及公主衙官羣官首領百姓並平安好遣書指不多及

護密書

勅護密國王書二首

前人

勅護密國王真檀集作檀下同朕知卿忠赤能保國境所以前加禮命用叶蕃情卿感此殊恩盡力外禦聞有克寇能申遠績以義動眾雖弱必強豈獨人心亦有神助甚用嘉歎不可忘也冬末甚冷卿及首領以下四字集作將士比並何如遣書指不多及

二

勅護密國王真檀發匄積惡自取滅亡想所具知不復煩述卿比集作此者雖受冊立緣此未得還蕃彼既伏辜固無隔閔卿宣揚國命慰撫遠人保我西垂集作陸長守誠節突騎施克逆慮其寇抄集作掠卿宜善計勿令不覺其來巴西商胡比遭發匄劫掠道路遂斷遠近吁嗟卿既還國必須防禁蕃中事意遠路難聞可量彼權宜便與王斛斯計會夏末甚熱卿及首領百姓已下並平安好遣書指不多及

諸國書

勅識匿國王書

前人

勅識匿國王烏訥沒莫賀咄卿比與護密相為唇齒而發  
富克狡劫殺商胡罪不容誅走投異域朕知其惡積改立  
真檀遽聞却來還占本國卿等讎嫉頑暴相率誅之累歲  
逋逃一朝翦滅永言忠義深所嗟稱今授卿將軍賜物二  
百匹錦袍金鈿帶七事以下亦節級有衣物集作已下節級亦有衣物  
各宜領取夏末甚熱卿及首領百姓等並平安好遣書指  
不多及

勅勃集作勃律國王書

前人

勅勃律國王蘇沒謹忙得王斛斯表卿所與斛斯書知卿  
忠赤輸誠國家外賊相誘執志無二又聞被賊侵寇頗亦  
艱虞能自支持且得退散并有殺獲甚用嘉之卿兄麻來  
兮及首領以集作已下各量與官賞具如別勅今賜卿物三  
百匹銀胡瓶盤四字集作銀盃瓶銀盤各一衣一副并金鈿帶七事  
至宜領取夏中甚熱卿及首領以下並平安好遣書指不  
多及

勅諸國王葉護城使等書

前人

勅諸國王葉護城使等突騎施不道連年作寇使我邊鎮  
常以為虞諸處攻圍所在堅守能伺其隙各有誅夷此卿  
等赤誠臨事效節使集作妖不勝德氛侵自消遙料亮謀  
還慮再下且賊衆烏合疲於重來勞則心離久必有隙卿  
等常須有豫以逸待之一二年間奇功甚集作可立富貴之

舉彼賊是資亮忠集作烈之懷此心可度今各賜卿衣一副  
聊慰勤誠所有勤集作勳勞今已集作已叙定當續有處分想  
亦知之比春暄卿及首領將士百姓等並平安好遣書指  
不多及

勅尉賓國王書

前人

勅尉賓國王得四鎮節度使王斛斯所翻卿表具知好意  
然事在絕域不可預圖卿若誠心任彼量度事遂之日必  
有重賞且朕每於遠國未嘗有所食言想亦知之一作想若誠心  
勿致疑也秋初尚熱卿及首領以下並平安好遣書指不  
多及

勅日本國王書

前人

勅日本國王主明樂美御德彼禮義之國神靈所扶滄溟  
往來未嘗為患不知去歲何負幽明丹墀真人廣城集作成  
同等入朝東歸初出江口雲霧斗暗所向迷方俄遭惡風  
諸船漂集作飄蕩其後一船在越州界即真人廣城尋已發  
歸計當至國一船漂入南海即朝臣名代艱虞備至性命  
僅存名代未發之間又得廣州表奏朝臣廣城等漂集作飄  
至林邑國既在異域集作國言語不通並被劫掠或殺或賣  
言念災患所不忍聞然林邑諸國比常朝貢朕已勅安南  
都護令宣勅告示見在者令其送來待至之日當存撫發  
遣又一船不知所在求用疲懷或已達本集作彼蕃有來人  
可具奏此等災變良不可測卿等忠信則爾何負神明而

使彼行人懼其凶害想卿聞此當用驚嗟然天壤悠悠各有命也冬中甚冷集作中冬甚寒卿及首領百姓並平安好今朝臣名代還一一令口具遣書指不多及

文苑英華卷第四百七十二 翰林制詔五十三

鐵券文

賜李納田悅王武俊等鐵券文 陸贄

維興元元年歲次甲子正月癸酉朔二日甲戌皇帝若曰

咨爾某官某乙嗚呼君者所以撫人失於所撫則叛下者

所以奉上乖集作失於所奉則刑詔令集作為九各當其理德用不

擾各違詔令作者違集作各乖其分亂於是生朕德薄化淺昧於君

道罔知省已姑務責人是以徵師徂征連歲靡息惟爾亦

以誠志之不達死側於集作于厥裏阻眾與戎結壘固守集作

結集作豈非上失集有於字所撫而下乖乖集作失於所奉歟書曰萬

方有罪罪在朕躬我實不德此人何咎俾廢其生業離其



室家陷於集作于困窮死集作于鋒刃集作老疾廢養孤犛靡依

結怨蒼旻感傷和氣朕為人父母得不愧于心哉晨興以

思夕惕以懼集作悼自其集作嗣位迄今六載天將悔禍朕

方覺寤爾亦知衆心之厭亂思所以保安叶于朕懷若應

詔今作符契非天地合德人神合謀將茂育羣生詔今作

好則何以臻此朕是用詔今作上順天意俯從人心滌爾疵

瑕復爾爵位坦然靡阻君臣如初功載詔今作鼎彝名藏玉

府子孫代代為國勲臣河山帶礪傳祚無絕朕方布大信

承天子人若食其言何以享國於戲其祗若明命詔今作

朕用保無疆之休其敬聽

賜安西管内黃姓纛官鐵券文 前人

維貞元二年歲次景寅八月丁巳朔三日己未皇帝若曰

咨爾四鎮節度管内黃姓纛官驃騎大將軍行左金吾衛

大將軍負外置同正負兼試大常卿頓啜護波集作支惟

乃祖乃父率集作服聲教勤勞王家勲書鼎彝族詔今作

于藩集作籍爾克紹祖先之烈而重之以忠貞嗣守職

官祗若朝集作化率其種落保我邊疆集作陸丹誠向化集

萬里如近是用稽諸令典錫以券誓集作若金之堅永

代無變子孫繼襲作我藩巨爾其欽承勿集作替休命

賜陳敬瑄大尉鐵券文

樂明龜

維中和三年歲次癸卯十月甲午朔十六日己酉皇帝賜

功臣劍南西州節度副大使管内觀察處置統押近界諸

蠻及西山八國雲南安撫制置指揮諸道兵馬供軍等使

開府儀同三司太尉兼中書令成都尹上柱國潁川郡食

邑三千戶食實封四百戶陳敬瑄鐵券曰烹巨蠶者鼎大

於滄海斬長鯨者劍倚於青天既立異勲勉一作膺殊寵

李晟免其十死子儀成其九功鏤以金鏞賜一作錫其鐵契

後來繼者豈在他人歲寒知松柏之心國難見忠貞之節

五山鎮地一柱擎天氣壓乾坤量含宇宙自居環衛出擁

旌幢論清政而水境無光吐赤誠而朝霞失色手持玉節

身鎮錦城扶乾綱則一作萬國安齊心組坤維則一作

百蠻遶指三川飲一作欽化一境歸仁朕以稅駕褒斜省方

邛蜀匍匐而來迎鳳輦驅馳而速建龍宮百辟來朝萬方

入貢夏禹塗山之會未盛於斯漢高沛國之歡無以過此

戮阡能邛州首望疾如剪草除秀昇涪州叛校易若焚巢不

讓武侯之勲無愧文翁之化海東獻款雲南披誠九穀豐

登三農務一作茂盛濟贍軍國拯接朝廷一作寮內竭家財外

罄公帑千官感惠一國推功今則巨猾奔逃神州克復將

歸上國即別成都致朕身安由卿忠盡一作力前封公爵後

賜郡王詢於衆情未愜羣望今賜卿鐵券赦其十死望泰

山而立誓指黃河以爲盟山無盡時河無竭日君君臣臣

父父子子永遠貴昌並皆如此 作皆唐大詔令

賜許國公韓建鐵券文

崔涓

維光化元年歲次戊午九月戊辰朔八日乙亥皇帝若曰

咨爾宣力興復功臣鎮國匡國等軍節度管内觀察處置  
 修葺宮闕同州長春宮等使開府儀同三司守太傅兼中  
 書令興德尹使持節同州諸軍事兼同州刺史上柱國許  
 國公食邑四千戶食實封一百戶韓建朕以前代功臣實  
 重信賞至有刻於詔令折彝紀在旂常垂帶礪之言保金  
 石之誓勳賢所付宜茂明恩况卿秉謙蹈和持重守正屬  
 朕前歲巡狩而乃躬親奉迎季孫之道在事君周勃之心  
 唯安國畢力扈駕衛我出車詔令克奉行朝更無遺事可  
 謂忠於社稷光映簡書旋以歸復京都葺修宮闕載弘舊  
 制皆叶規程瞻是殊庸實用嘉矚雖迭增崇數而未足酬  
 功宜申拯暴之文以示旌勳之典矧夫黃河不竭青山匪  
 窮此此賞延錫于苗裔使卿永荷祿位長受寵榮對銘鏤  
 以同堅煥聲徽而轉美卿恕九死子孫恕二死或犯常刑  
 所司不可加責禮命甚重往惟欽承宜付史館頒示天下

青詞

季冬薦獻太清宮青詞

白居易

維元和二年歲次丁亥十二月甲寅朔二十六日巳卯嗣  
 皇帝臣稽首大聖祖高上大道金闕玄元天皇大帝伏以  
 今年司天臺奏正月三日祀上帝于南郊佳氣充塞四方  
 溫潤祥風微起廬州申連理李樹一株彰義軍節度使奏  
集作白鳥一鄭滑觀察使奏瑞麥五科司天臺奏六月五  
進日夜鎮星見河陽節度使申集作白雀一荆南節度使申

連理李樹一本山南西道觀察使申嘉瓜一枚司天臺奏  
六月十三日夜老人星見河南府申芝草兩莖司天臺奏  
冬至日佳氣充塞瑞雪祈寒者臣嗣承丕圖肅恭寅畏祖  
宗垂慶嘉瑞荐臻虔奉禎祥伏深祗惕今時惟玄律節及  
季冬仰薦明誠敬率恒典謹遣攝太尉司徒平章事杜佑  
薦獻以聞謹詞

上元青詞

吳融

維光化四年歲次辛酉正月乙酉朔十五日巳亥皇帝臣  
稽首大聖祖高上大道金闕玄元天皇大帝伏以時當獻  
歲節及上元爰命香火道人烟霞志士按科儀於金闕陳  
齋醮於道場伏願大鼓真風潛垂道蔭俾從反正永保無  
虞四海九州干戈偃戢東臯南畝皆獲豐登冀與兆人同  
臻介福謹詞

下元金錄道場青詞

張玄晏

維乾寧二年歲次丙辰十月戊申朔十二日巳未嗣皇帝  
臣稽首大聖祖上大道金闕玄元天皇大帝伏以強名曰  
道迥出氤氳之表惟天爲大是生恍惚之中融和氣以陶  
蒸藹真風而煦育况黃廷碧落集列聖之威儀絳闕丹臺  
聚群仙之步武爰啓祈恩之路寔開請福之門敢用真誠  
陳於下會今雖物無疵厲年獲豐登遠人不倦於梯航絕  
塞靡虞於烽燧而鯨鯢作患蛇豕爲妖塗炭黎元黷亂紀  
律宮朝載罹於焚毀簪裾仍迫於羈離敢不寤寐思憇曉

夕引咎由是廣延真侶重叩玄關幣帛交陳香燈備設伏  
願堅覆露之德暢亭毒之思使氛祲盡消萬彙咸泰復安  
宗社大定寰區及臣敢身同霑弘造謹詞

太清宮祈雪青詞

封敖

維年月日嗣皇帝臣稽首大聖祖高上大道金闕玄元天  
皇大帝伏以百穀實生靈之本萬姓為國家之基言念老  
農常思薄德今時雪罕降宿麥是憂同雲未施嘉穀何望  
臣祇應疑作景運亭育兆人德不動天言徒罪已案盛慮  
關於明薦災沴恐及於生靈誠竭齋莊禮虔夙夜伏惟玄  
功不宰至道無言垂福祐於群生假膏濡之德澤謹遣尚  
書兵部侍郎高元裕啓告以聞謹詞

祈雨青詞

前人

維年月日嗣皇帝臣稽首大聖祖高上大道金闕玄元天  
皇大帝臣猥奉顧託獲臨宇宙四海之寧晏萬物之生成  
必繫厥躬敢忘其道是用虔恭大業寅畏上玄勵無怠無  
荒之憂勤期一風一雨之調順苟或愆候常多愧心今三  
伏之時五稼方茂稍渴膏潤未為憇陽而憂勞所牽念慮  
已及恭持丹懇上瀆玄功冀弘清淨之源溥施霑濡之澤  
案盛必遂煩燠可消將展敬於精誠俟降靈於霽霈謹遣  
吏部侍郎常湛啓告以聞謹詞

歎文

為太平公主五郎病愈設齋歎佛文 宋之問

至矣哉釋迦之本願也念起於大悲業成於廣濟代俗以  
積迷爲用有感斯通衆生以諸病作身至誠能愈我鎮國  
太平公主娥靈襲彩女曜聯英戒環佩於中閨邑山河於  
外館位彌高而跡彌下保是洪猷身日貴而心日微由乎  
夙植全其忠孝頌美於家邦宜爾子孫理歸於福壽第五  
子某官某才光性與慧發生知山桂含芳而逼人階蘭吐  
秀而驚俗頃以寒暄稍改保攝微非留卧玳瑁之牀陪待  
鳳凰之宇公主上祈妙福蒙降慈恩漢賜黃金還依膝下  
隋珍明月再入掌中今者上報慈恩大張名供於是披甲  
第關梵遊幢蓋乘空而下來龍象接武而爰集廻供絕阨  
之國求饌香積之宮麴爲立而敵庭酪爲沼而環砌龍王  
獻水噴車馬之埃塵天女散花綴山林之草樹無邊之施  
下飽於三塗普救之心傍寬於六趣伏願以斯妙福上薦  
聖朝應天皇帝長保金圖永臨曙極九族旣睦祛其有漏  
之緣萬人以安不捨無生之見順天皇后慶垂椒掖德盛  
蘭宮國風流洽於鵲巢坤儀光贊於龍袞皇太子業躋聖  
敬本固元良諸王公主等擢秀本枝崇榮湯沐三槐九棘  
庶職羣寮咸維赤縣之圖其翼青雲之紀備該空有遍燭  
幽明俱超解脫之津永拔輪回之地

上元日歎道文

白居易

道本無象功成強名生一氣之先爲萬物之母吹煦寒暑  
陰陽節而歲功成輔相乾坤上下文而生物遂故能阜蕃

動植啓迺雍熙邦家保安夷夏咸若今以時因集作獻歲節及上元女道士某等奉爲皇帝焚香行道敬脩功德伏願聲聞紫極丕降玄休大庇群生永康四海流光垂慶億萬斯年

立春日玉晨觀歎道文

天道本無爲雖強名而不離乎清淨功歸不宰運陰陽而必致乎生成今四歲環周三光燭耀勾萌盡達閉蟄皆驚和風競發於年華玄造豈知其日用女道士等奉爲皇帝稽首齋戒焚香莊嚴伏惟具鑒照臨神功保衛精誠上感至道潛通高明廣被於無窮福祐庶垂於有感南山比壽將聖祚而齊隆東海量恩與天波濶長濶旁沾動植溥救幽陰咸保又寧永綏多福

憲宗忌日玉晨觀歎道文

前人

清淨無爲之謂道是非有作之謂名道知其源名亦歸正由是群生遂性咸臻妙有之功四氣順時自契不言之信洪鑪假喻大塊無形載厚地以繁滋覆高天而悠久伏以今月二十七日憲宗皇帝忌女道士等齋戒精脩焚香虔懇伏願追縱玄運息駕黃庭保聖祚於無疆降神功於有感日月所照福祐同霑

慶陽節

按唐會要武宗六月十一日生名慶陽節英華作德陽恐非

玉晨觀歎

道文

前人

莫高者天莫大者道天以不言而信道以不言而功玄關

文苑英華 卷之七  
潛契於虛無祕錄廣傳於妙有由是自我聖祖達吾神孫  
微言載流真教不墜膏肓動植亭育生靈豈獨練氣谷神  
保元恬淡而已伏惟仁聖文武至神大孝皇帝陛下生知  
至道宿應上玄紹列聖之皇圖冠群仙於紫府光承景運  
溥濟含靈疑旒而道用冲深端拱而玄風淡泊伏以今月  
十一日皇帝降誕之辰女道士等焚香行道敬脩功德伏  
惟聖壽山同皇恩海深將四序而周行與三光而長燭天  
覆地載何得而名道護神扶臻乎無極

玉晨觀祈雨歎道文

獨狐霖

茂多稼者唯雨司其澤者在天求惟法道之言且叶憂人  
之旨今屬旱苗方瘠膏潤不需女道士某等奉為皇帝依  
教發誠循儀啓願冀由裏懇仰達上玄遂使觸石未周遽  
聞泛灑隨風而遠俄覩霽霽大田既詠於豐年庶品咸康  
於樂業

同前

蓋聞天下者君弘道在聖天既不違於有作道當冥助於  
無為今屬夏景將臨春陽已亢女道士某等奉為皇帝虔  
脩法事恭啓至誠庶將憫雨之心冀解憂人之念伏願油  
雲散布膏澤遠流來觀離畢之祥已覩斯倉之兆覃此餘  
慶洽于可封

七月十一日玉晨觀別脩功德歎道文 前人

若乃喻指未通昧三光於黃道濟心不動披衆妙於玄關



歲計方悟其有餘物理孰知其天庇今屬金行御氣張宿  
司辰告朔是先迎秋方始女道士某等奉為皇帝鋪陳法  
要格迪真筮伏願雨潤大田雲垂多稼書稱舞羽詩詠戢  
戈凡當比屋之封盡沐薰統之樂

九月一日王晨觀別脩功德歎道文 前人

原夫襄城迷往明牧童之可求函谷知來顯至人之所得  
固以宵寘執有恍惚非無獨見且乖多岐復爽道之遠也  
庸可量哉今屬鴻鴈賓秋餼羊司朔女道士某等奉為皇  
帝存誠香火冥懇雲天希用專精默禱望伏願災消中  
夏稔稼穡以盈箱兵息南溟鑄戈鋌而益柱然後五行皆  
序四維畢張歌我舜風復此周道 四百七十二卷

苑英華卷第四百七十三 策問一

策問十五道

策賢良問五道

策秀才問三道

策博通文典達於教化科問一道

策識洞豁略堪任將師科問一道

策神岳舉問一道

策賢良問三道

策宰相科問一道

策賢良問五道

第一道

顏師古



曰可稱攝職當官者尤必能兼善其利博哉互有所  
 長且甄先後今既聖茲二事必委共康廣扇清風大矯流  
 俗施行條教可用率下使人采碧玉一作之心家有素絲  
 之節軌物昭範佇觀表儀若在姬周號稱多士龐氏居位  
 亦有賢人誰脩廉潔之道孰當正直之舉爰及兩漢魏晉  
 已來歷載遐長廉直衆矣其間心異凡有幾人必須具列  
 姓名分條事迹無或非當意狀外違先古有言惟德作乂  
 既克廉潔之選又應正直之科誠宜追蹤曩人尚想同志  
 並驅前列誠可比有企仰高山誰者弗逮當仁不讓寧假  
 撝謙近取諸身豈或涯分無而為有是則非廉虛美雷同  
 又乖正直兼茲學植疏作理必該通原始要終當盡弘傳

第四道

問學以從政昔賢令則博文強識君子所尚結髮升朝敷  
 衽受職開物成務率由茲道是以登高能賦可列大夫試  
 諷縮篇乃得為史然而筭祀悠邈載籍寔繁鑽仰雖多罕  
 能擇練今將少論古昔庶異見聞勿用浮辭當陳指要九  
 流七畧題目何施八體六書名義焉在三皇五帝諸說不  
 同列次區分誰者為允翠為疑作玄扈臨之而安得緣純  
 黃玉所表其奚事陰康驪畜行序孰當封鉅大填胡寧游  
 處彤魚昌僕出何典誥窮蟬聲望厥類惟何管仲文錦既  
 醜何賁子產深練實厚何俾周鼎所存議疑作者幾物齊  
 鍾所蒙卒用何牲罷紬諸侯何名三十六都褒貶將相何

謂三十二人至如象葉之精乎棄日水鷄之巧乎異端著  
於簡謀何所沮勸學綜古今想宜究悉一二顯析無憚米  
鹽

第五道

問八政所先食貨居首萬商之業市井為利菽粟稻梁飢  
饑足以充口布帛絲纈寒暑是以蔽形生靈所資莫此為  
急爰及室宇噐械同出五材皆稟造化之功取者得供其  
用而龜貝之屬何故為寶競取而多誰所創意錢幣之作  
本以何施億兆賴其何功政教得其何助若夫九府之法  
于何曾遷三官所統又何典掌未知乘時趨利濟益淺深  
起偽生姦有何虧敗九府之名欲知其九三官之號何等

為三宜各指陳務令可曉子緝前漢食貨志赤仄應劭曰子緝錢也稱貴文

飾何如赤仄殊形以何間錯又賣穀極賤則農夫劬勞而  
不給糴價翔踴則工商窘乏而難振為政之道患在不均  
設法籌筭去其太甚使夫荷鍤擁耒阡陌之用獲饒作工  
通財倉廩之儲不匱又糴三舍一起自何人以母權子云  
誰所建各申何法厥利焉如今欲脩之孰可孰不可亦宜  
辨說不可曖昧佐時經國此亦一隅既膺斯舉何所興讓  
聊動翰墨豈申餘勇

策秀才問三道

獨孤及

第一道

問儒有安身以全德有殺身以成仁有徇名以行已有志

名以救物雖俱出於儒墨而用之不同聖人立言豈其無  
操持歟集作夫魏顆違命申生受賜伍尚赴郢伍胥如吳  
四者孰孝比干死而集作微子去之太公投竿伯夷採薇  
四者孰義石戶竄於海上伯陽隱於柱下鷓夷子去去字  
范蠡汎越三者孰潔今欲考其本末度長以挈大較其去  
舟於就合異以為同渴聞貫之之道辨之之說

第二道

問黃帝氏以無為為政故垂衣裳而天下順周人三千其  
儀亦克用又舜誅四罪天下咸服而成康恭已刑措不用  
致化之本豈不同源而文質殊貫損益相反以古範今何  
為去集作就孔子用鉞兩觀而魯至於道集作宓子賤鳴

琴單父集作而民集作亦自化寬猛之際小大奚侔比權  
量實其義焉在敷暢厥旨敬停嘉言

第三道

問傳曰其君齊明精潔則神饗人聽故神明降之夫天地  
絪縕冲氣為人神何由降明何由出至如晉崇實沉崧生  
申甫編傳穀城之老言發魏榆之石檮杌杜伯與商周而  
存亡黃熊白毛將晉號而興敗是何神也根本焉在二三  
子嗇然來思宜究乎天人之終始其悉數以對

策博通墳典達於教化科問 陸贄

問皇帝若曰朕承祖宗之鴻休登科記獲主神器任太守  
重懼不克堪思與實士人大共康理道虛襟以佇側席以

求而群議紛然所見異指或牽古議而不變或趨時會而  
不經依違以來七年于登科記茲矣國制多闕朕甚惡焉

今子大夫博習典墳深明教化褒然充舉咸造于庭其極  
慮精思以諭朕心之夫寤仲尼叙禮樂刪詩書脩春秋廣

易道六經之義登科記所尚各殊豈學者脩行理當區別  
將聖人立意本異青詔令無旨字宗源集作施之於時孰

為先後考之於道何者淺深差次等倫指明其義夫知本  
乃能通於變學古所以行於今今詔令之教人則異於是

工祝陳禮樂之器而不知其情生徒誦禮樂之文而不究  
其集作事欲人無惑其可得耶將革前非固有良術堯舜

帥天下以義比屋可封桀紂帥天下以暴比屋可戮然則  
上之化下罔或不從而三仁四凶較然同集作異有教無

類豈虛言耶集作作樂移風聞諸昔典夫至雅必淡至音  
必希文侯英華作列國之費君猶曰則惟悲寤矧彼流俗

其能化乎將天地同和災殄不作黎人不變姦惡不萌何  
施何為以至一作於此王者制理必因其時故忠敬質文

更變迭救一作三代之際罔不由之自秦刻古法漢雜伯  
道紛紛千紀王教不與國家接周隋之餘俗未淳集作

處集作都邑者利一作耻一作田畝者朴野而  
近愚尚文則彌受其弊一作莫救其鄙俗立教

之本將安所登科記三正互用後  
之術士乃言王運一作木德禮猶一作

尚亦義則

莫識厥理九流得

莫識厥理九流得

莫識厥理九流得

莫識厥理九流得

失之論歷代興亡之曰王

莫識厥理九流得

莫識厥理九流得

經之優劣必精心考究

莫識厥理九流得

莫識厥理九流得

策識洞豁鈐堪任將帥科問

前人

問皇帝若曰朕設覽典謨詳求至理

莫識厥理九流得

莫識厥理九流得

莫識厥理九流得

際察然可徵未嘗不文武並興農戰兼務故能居則足食

莫識厥理九流得

莫識厥理九流得

動則足兵足兵則暴亂息足食則教化行

莫識厥理九流得

莫識厥理九流得

則威食足則固威則興

莫識厥理九流得

莫識厥理九流得

莫識厥理九流得

王制不脩選士廢射御之儀教人無蒐狩之禮即戎者不

知其稼穡力本者罕習於干戈於是異文武之人分農戰

之道守則乏食征則鮮兵歷茲千年竟莫能復抑知之者

盡寡將行之者惟艱與朕念之甚勤思繼前躅良以

之事戎

莫識厥理九流得

莫識厥理九流得

莫識厥理九流得

怨咨仰於

莫識厥理九流得

莫識厥理九流得

莫識厥理九流得

陌日

莫識厥理九流得

莫識厥理九流得

耜儒者燕達於韶鈐田萊盡耕攻取必勝誘人甚

其術安施王者之師本於立德兵家之法方務出奇德以

信成奇以詐勝理有遠及將何適從宋襄成列而敗軍見

嘉魯冊韓信决囊以

莫識厥理九流得

莫識厥理九流得

豈

莫識厥理九流得

莫識厥理九流得

莫識厥理九流得

莫識厥理九流得

討論以定褒貶夫衮裳不敵虎必以謀樂生下齊孫子破

楚魏武之勝袁紹末高之滅姚泓成敗之由備陳本末古

人有言曰誅伐不可偃於天下又曰善為國者不師二端

異焉其有深古子房次序列一作兵法任宏論撰軍書指明

一作異同詳錄名氏所聞高略一作想擇善而行之一作略

策神岳舉問

此篇所答策載四百八十卷賢良方正科策問隨策  
今不重出止存其名

策賢良問三道

策第一

問天下地五經緯斯列內和外順禮樂攸興體也備而後  
成履也踐而乃立厥語則興導諷誦厥德則祗庸孝友而  
大道之行本無制作忠信之薄翻為亂首終以六君子由  
此振三代之英四豪士滿之嬰五伯之罪焉往可以還

反朴何適可以持盈守成郁乎文哉周監二代網羅奔放

沿革多端至若緇布纁袵疑夏曆多雉弓矢詢於五物噉

啐正於三命示惠而加折節訓恭而置房蒸間問殷聘摺

三挾一詩懷祝嘏絲紉尸賓祝疑木虞筐桑匱疑楛疑

鷺疑盜浼飄疑齊苟敬之儀而窵之節此等之物各為

何興用之安所捨之何從經邦之略焉假設施別白書之

無或曖昧

第二

第三

石二篇所答策第二篇載四百八十三卷賢良方正

科第二篇載四百七十七詞標文苑科策問隨策今



不重出止存其名

策宰相一作科問

問聖人握天下之圖居域中之大莫不仗群材而康庶績  
資多士以牧黎元夢想傳巖之野佇思磻溪之上遂得乘  
箕入相就三命而作鹽梅投釣昚朝封四履而稱師父故  
如英靈間出千載一賢皇化軌躅殊涂共貫我大周道冠  
犧軒功高媯燧長筵必割翹木無遺虛席旌賢宵衣納善  
降賢良之制下微辟之書子等並藏器待時懸瓢俟扣深  
識宰臣之體妙達經邦之術欲使陰陽調六律風雨應四  
時一百姓之心平九州之利餘糧棲畝外戶不扃亭障無  
虞關河罷戎漁者虛滯瀨田者讓肥腴路不拾遺市無二

價眷言於此何道以臻至如九儀八座之指歸四師六典  
之題目並馭人之大體撫俗之良規幸陳名義之端無致  
踈遺之對

文苑英華卷第四百七十三

文苑英華



